

Ненэцие” автономной округхы

Вато’ Мэбц

(1995 похы сентябрь’ 11 толыркад № 24 табеко)

Ненэцие” автономной округхы

депутат” Собрания ня”амвы

(НАО’ Ватохо”на 1996 похы февраль’ 5 толыркана № 17-ОВ’,
 1996 похы март’ 7 толыркана № 20-ОВ’, 1996 похы август’ 9 толыркана № 38-ОВ’,
 1996 похы октябрь’ 4 толыркана № 47-ОВ’, 1997 похы октябрь’ 17 толыркана № 81-ОВ’,
 1997 похы декабрь’ 17 толыркана № 94-ОВ’, 1998 похы февраль’ 6 толыркана № 108-ОВ’,
 1998 похы март’ 30 толыркана № 116-ОВ’, 1999 похы апрель’ 19 толыркана № 173-ОВ’,
 2000 похы февраль’ 3 толыркана № 218-ОВ’, 2000 похы март’ 31 толыркана № 228-ОВ’,
 2000 похы октябрь’ 9 толыркана № 255-ОВ’, 2000 похы декабрь’ 7 толыркана № 267-ОВ’,
 2001 похы апрель’ 28 толыркана № 290-ОВ’, 2002 похы январь’ 4 толыркана № 320-ОВ’,
 2002 похы март’ 8 толыркана № 342-ОВ’, 2003 похы январь’ 6 толыркана № 389-ОВ’,
 2003 похы февраль’ 7 толыркана № 397-ОВ’, 2004 похы январь’ 28 толыркана № 470-ОВ’,
 2004 похы май’ 10 толыркана № 480-ОВ’, 2004 похы июнь’ 28 толыркана № 498-ОВ’,
 2004 похы октябрь’ 8 толыркана № 504-ОВ’,
 2004 похы октябрь’ 22 толыркана № 513-ОВ’,
 2005 похы январь’ 6 толыркана № 552-О’, 2005 похы май’ 27 толыркана № 582-ОВ’,
 2005 похы октябрь’ 6 толыркана № 612-ОВ’, 2005 похы ноябрь’ 2 толыркана № 627-ОВ’,
 2005 похы декабрь’ 1 толыр” № 640-ОВ’, 2006 похы март’ 28 толыркана № 691-ОВ’,
 2006 похы июнь’ 8 толыркана № 722-ОВ’, 2006 похы октябрь’ 2 толыркана № 761-ОВ’,
 2006 похы ноябрь’ 24 толыркана № 793-ОВ’, 2006 похы декабрь’ 18 толыркана № 812-ОВ’,
 2006 похы декабрь’ 19 толыркана № 813-ОВ’, 2007 похы май’ 21 толыркана № 62-ОВ’,
 2007 похы июнь’ 21 толыркана № 87-ОВ’, 2007 похы февраль’ 14 толыркана № 168-ОВ’,
 2008 похы май’ 27 толыркана № 31-ОВ’, 2008 похы ноябрь’ 26 толыркана № 88-ОВ’,
 2009 похы январь’ 27 толыркана № 1-ОВ’, 2009 похы июль’ 1 толыркана № 56-ОВ’,
 2010 похы апрель’ 19 толыркана № 16-О’, 2010 похы ноябрь’ 2 толыркана № 83-ОВ’,
 2011 похы апрель’ 12 толыркана № 21-ОВ’, 2011 похы июль’ 1 толыркана № 42-ОВ’,
 2012 похы июнь’ 29 толыркана № 53-ОВ’, 2012 похы ноябрь’ 30 толыркана № 108-ОВ’,
 2013 похы июнь’ 3 толыркана № 27-ОВ’, 2013 похы декабрь’ 20 толыркана № 112-ОВ’,
 2014 похы апрель’ 11 толыркана № 17-ОВ’, несэймдавы”)

Ненэй Вато’ Мэбц Ненэцие” автономной округна” саць’ тарана Россия’ яна Ватоңэ толы. Вато’ Мэбц тикы ненэцие” серм’ минрева” е”эмня тамна нани’ я” ниня иленя” хибяри” Ненэцие” автономной округхана иленя”, Российской Федерация’ Конституциявна 1993 похона декабрь’ 12 толыркана таслабэй.

Президиум’ ВЦИК ненэй ненэця” харвабцовна, табековахана таславы.

Ненецие” автономной округ’ 1929 похона июль’ 15 толыркана надимдембэй.

(НАО’ Ватовна № 552-ОВ’ 2005 похы январь’ 6 толыркана несэймдавы).

Округ’ я’ ёнар” си”ив ю” мат”, си”ив ям’ тере нэдалава. Ненэцие” автономной округва’ Ямал-Ненецие” автономной округ, Ызма’ я,

Архангельской' область, Мезенской' район, Цэрм' няд' ям' тере нэдалавада миңа Сэр" ям, Санэро' ям', тамна Харэ' ям', тамна тикы хэвхана цо" тикан' толы", Архангельской' областын' ниня" толюда". Ненэцие" автономной округ' нэвата марта – Няръяна Мар".

1 пеляда. Округ' нэвыхы Вато' нэвнда

1 статья

Ненэй Вато' Мэбц Ненэцие" автономной округхы (тяха" - округ) сямьхат царка Ватонэ толы. Россия' яна цани' я' пеля ня" цобпир. Тикыд Вато' няд'мяць харта яхананда ныхы"ца. Округ' символцэ серта' мянца" (Герб, Гимн, флаг).

2 статья

Российской Федерация' Конституциявна, ненэй Вато' Мэбцувна округ' хурка нэвада пады.

Россия' яна" Вато' няд'мяць" округ' хурка нэвамда несэймдава пир. Тикан Ненэцие" автономной округ' Россиянда ня" цоб' харвабцовнанди'.

(НАО' Ватовна № 173 –ОВ' 1999 похы апрель' 19 толыркана нябимдей пеляда несэймдавы.)

Россия' яна" цани' пелянда ня' цобт тэвраван округ" иленя" хибяри" харто' харвабцовнандо' мэта.

(НАО' Ватовна № 498-ОВ' 2004 похы июнь' 28 толыркана несэймдавы).

3 статья

(НАО' Ватовна № 16-ОВ' 2010 похы апрель' 19 толыркана несэймдавы)

Я" тярпавам' Вато' сермана тасламбада.

Ненэцие" автономной округ тарця" пеляхат ца:

- 1) Няръяна Мар - Ненэцие" автономной округ' нэвата мар".
- 2) Округ' я' пеля – Заполярной.
- 3) Марад то"олха нэсы (манзарани" нэсы) – Искателей
- 4) Нэвахы" нэсы": Андегской' (нэвахы нэсыда – Андег), Великовисочной' (нэвахы нэсыда – Веливисочное), Канинской' (нэвахы нэсыда – Несь), Карской' (нэвахы нэсыда) – Хара), Колгуевской' (нэвахы нэсыда – Бугрино), Коткинской' (нэвахы' нэсыда – Коткино), Малоземельской' (нэвахы' нэсыда – Нельмин - Саля), Омской' (нэвахы'

нэсыда – Ома), Пешской' (нэвахы' нэсыда – Пясты' харад), Приморско-Куйской' (нэвахы' нэсыда – Красное), Пустозерской' (нэвахы' нэсыда – Оксина), Тельвисочной' (нэвахы' нэсыда – Тельвиска), Тиманской' (нэвахы' нэсыда – Инд'яха нэсы), Хорей-Верской' (нэвахы' нэсыда – Хорей-Вер), Хоседа-Хардской' (нэвахы' нэсыда – Харута), Шоинской' (нэвахы' нэсыда – Сояна я'), Юшарской' (нэвахы' нэсыда – Харая).

5) Тэри' нэсы" – Андег' нэсы, Великовисочной' нэсы, Лабожской' нэсы, Пылемец нэсы, Тошвиска нэсы, Щелино нэсы, Несь нэсы, Чижа нэсы, Мгла нэсы, Хара нэсы, Бугрино нэсы, Коткино нэсы, Нельмин-Саля нэсы, Ома нэсы, Вижас нэсы, Снопа нэсы, Тасий Песты нэсы, Белушье нэсы, Тю"уй Пясты нэсы, Волоковой нэсы, Волонга нэсы, Красное нэсы, Куя нэсы, Осколково нэсы, Пэя'ха нэсы, Оксина нэсы, Хонгурей нэсы, Каменка нэсы, Тельвиска нэсы, Макарово нэсы, Устье нэсы, Индига нэсы, Выучейской нэсы, Хорей-Вер нэсы, Харьягинской нэсы, Харута нэсы, Сояна'я нэсы, Кия нэсы, Харая нэсы, Варнек нэсы, Амдерма нэсы, Ёкуша нэсы.

4 статья

Округ' Вато' перева Российской Федерация Конституцияхад, Федеральной Вато"ход пере; Россия' яна" няби маня" округ' нобнзер" минрена Вато' сер", ненэй Вато' Мэбц, тамна таслабэй Ватохот" пере.

Вато' минрена падар" Российской Федерация Конституция то"олха нэбта тара, Россия' яна" нани' Царка Вато' то"олха нэбта тара, Россия' яна" Вато' няби округ' Вато' Мэбц то"олха нэбта тара.

Россия' яна" Вато' нерцюркана падвы, Россия' яна" нани я" пеля" ня" округв нопой серм' пэрпати', округ' харта ватомда падбава пир. Ся"ня Россия' яна" Ватом' мале' паднудо' округ' неры ня"амвы падар" тикы Россия' яна" Вато' сер" несэймдась тараңгу. Россия' яна" Вато' минрена падар", таславы ёльцяңганда сертабада.

(тикы пеляда НАО' Ватовна № 20-ОВ' 1996 похы март' 7 толыркана надимдевы; НАО' Ватовна № 470-ОВ' 2004 похы январь' 28 толыркана несэймдавы).

Российской Федерация' Конституция, федеральной Вато", Вато' Мэбц няби округ' Вато' падар" Ненэцие" автономной округхана пили" лэтрамбада.

(тикы пеля НАО' Ватовна № 228-ОВ' 2000 похы март' 31 толыркана надимдевы.)

5 статья

Нобнзер" таславы харвабцо". Российской Федерация хибяри" поңгана нэда таслир" округ' правовой система пеляңэ толы. Хибяри" поңгана нэда

таслир" нани нэпто', Ненэцие" округ' Вато' тасламбадахат, тикахана хибяри" поңгана нэда харвабцо тарангу.

(НАО' Ватовна № 173-ОВ' 1999 похы апрель' 19 толыркана несэймдавы)

6 статья

НАО' Ватовна № 267-ОВ' 2000 похы декабрь' 7 толыркана нюртей пеляда ха"аврабэй.

Хибяри" Ненэцие" автономной округхана иленя" харто' харвабцодо' пэрца", тикы хавна государственной' власть тамна округ' нэсы' нэваха"на манзаранаха" нэдарабда".

(НАО' Ватовна № 56-ОВ' 2009 похы июль' 1 толыркана несэймдавы.)

Тэраңгова" няби хонаркова" Ненэцие" автономной округ' тэраңгова комиссия хамадабида, сертамбида, федеральной' тамна округ' Вато"омна тасламбида.

(НАО' Ватовна № 62-ОВ' 2007 похы май' 21 толыркана надимдевы.)

Округ' тэраңгова комиссия ю" хибярихид на.

(НАО' Ватовна № 62-ОВ' 2007 похы май' 21 толыркана надимдевы; НАО' Ватовна № 21-ОВ' 2011 похы апрель' 12 толыркана несэймдавы.)

НАО' Ватовна № 56-ОВ' 2009 похы июль' 01 толыркана ныхысылмы.

7 статья

(НАО' Ватовна № 228-ОВ' 2000 похы март' 31 толыркана несэймдавы.)

Ненэцие" автономной округ' нэвахана мэни" манзая: Ненэцие" автономной округ' вато' тасламбада - Ненэцие" харто' илмда мэта" (автономной) округ' депутат" Собрания (тамна депутат' Собрания, округ' Собрания).

(НАО' Ватовна № 480-ОВ' 2004 похы май' 10 толыркана несэймдавы.)

Округ' нэвахана мэни" - Ненэцие" автономной округ' Администрация (тяха" – округ' Администрация). Ненэцие" автономной округ' Губернатор нэвахана мэнанэ тара, Ненэцие" автономной округ' Администратиям' пэрца (тяха' – округ' Губернатор).

Хэт"ма «Ненэцие" автономной округ' губернатор» няби «Ненэцие" автономной округ' Администрация' наркта» ноб" пирсувна толыхы.'

(НАО' Ватовна № 83-ОВ' 2010 похы ноябрь' 02 толыркана несэймдавы.)

Ненэцие" автономной округ ңани' ңэвахана мэна" манзая" ненэй Вато' Мэбцувна таслабэй".

(НАО' Ватовна № 480-ОВ' 2004 похы май' 10 толыркана несэймдавы).

Ненэцие" автономной округ' ила' серо минрева' Россия Царка падаркана, Федеральной ватохо"на, Вато' Мэбцувна тамна Ненэцие" автономной округ' Ватовна манзарангу, тамна несэймдава мян нормативной правовой актха" на.

Ненэцие" автономной округ' суд' няю таславы серо пэртя" Россия Царка падаркана, федеральной конституционной тамна федеральной Вато'омна суд' серо ня"амбада.

(НАО' Ватовна № 16-ОВ' 2010 похы апрель' 19 толыркана несэймдавы).

7(1) статья

(НАО' Ватовна № 267-ОВ' 2000 похы декабрь' 07 толыркана надимдевы.)

Округ' ңэвахана мэна" я' ила паңгам' ня"амбади, тэравы", ңани' хуркари ңэвахана мэни', я' ила' паңгам' ня"амбади минреванзэ таславы вато, Россия яна" Царка падар", Россия' яна" Вато' тамна хуркари таславы вато", Вато' Мэбцхад миндя" серо' тамна округна ңани' нормативно-правовой актхад ңэда' серо" нись тыхабтамба тасламбидо'.

Россияна Царка падарт' ниня серотам', федеральной конституционной Ватон' тамна федеральной ватон' пумнанда хибяри" нямна нока взвако серо"пэрма, Округна" ңэвахана мэна нормативной правовой акт" ня"амбабто'.

Мал" тикы хэтодама" хибяри" ивняндо' мэта илебцм' вомдабава Россия' яна" нобнзер" мэта я' тярмам', Россияна нись тоса илевам', сидна" лэтбававам, Россия' яна" нобнзер" мэта Ватом, мал тикы хэтодама" Царка падар"мана сахарамба тара. Тикы е"эмня ңэда Федеральной Вато «Россия' яна", Россия' пеля государственной власть, исполнительной орган манзарабцом тасламбава нямна ңэда"» Вато' таня.

2 пеляда. Округ' яхана мал' тикы ' хэтодома" власть хибяри" демократия танева.

8 статья

Округ' ил' нямна серо' тасламбава мальңгана, депутат" ма"лэяхана правовой акт тасламбава мальңгана, хибяри" нямна нобнзер" ңэда Вато серо

депутат" ма"лѣяхана, округна нѣвахана мэни" тасламбава мальңгана Округ' иленя" округ' тамна нѣсы" хибяри" нерня' хонарко юнра мѣвандо' мян.

(НАО' Ватовна № 20-ОВ' 1996 похы март' 07 толыркана несѣймдавы).

Округ' нѣвахана мэна", хусувэй нѣсы нѣвахана мэна" тамна манзая наркта хибяри" юнра"ма федеральной няби округ вато"омна манѣсаръядо'.

(НАО' Ватовна № 761-ОВ' 2006 похы октябрь' 02 толыркана несѣймдавы).

Харто' манзаранито' нюмгад тамна янга тѣранзѣдахат округна" иленя" хибярихит вадам' хѣтмби". Депутат" Собрания хонарко' юнравахана тамна собрания' сессияхана серодо' манѣмы е"эмня лахана.

9 статья

Депутат" Собрания, округ' нѣвахана мэна", хусувэй нѣсы' нѣвахана мэна" социально-экономической серо округхана хурка нѣвам', харто' яндо' нѣсы" нямна, ня"амвы серо е"эмня хибярихито' ваде"ядо'. Похонанда сян мѣва хибярито' нерняна хурка манзаям' сертавамдо' СМИхина хѣтмбидо'.

3 пеляда. Ненѣцие" автономной округ' манзая" сер" тамна ңамгѣри" пѣрма.

10 статья

Округ" манзая" сер' тамна ңамгѣри" пѣрма Россия' яна" ня' тамна округна" нѣвахана мэна" ня' няхатато' янгресь пѣръядо'.

11 статья

1. Манзая" сер", Ненѣцие" автономной округ' нѣвахана мэна", Россия' яна" тамна Россияна" субъект" ня', Россия' яна" ңарка падар", федеральной' Ватовна, таслир" манзая" серо' тамна харвабцо янгрѣмбава" нобнзер" сертамбидо'.

(НАО' Ватовна № 498-ОВ' 2004 похы июнь' 28 толыркана нюртей пунктада несѣймдавы.)

2. Россия' яна" тяхана тамна Россияна" манзая" серо"мана Россия' яна" Ненѣцие" автономной округ' ня' ңамгѣри" минрѣвавна округ' харта яхананда ңарка серо' минрѣйда.

(НАО' Ватовна № 168-ОВ' 2007 похы декабрь' 14 толыркана няби пеляда несэймдавы).

3. Федеральной серо' пэртахат округна" серо' пэрта янга манзя" ня"марпавандо' мян. Статьям' серта"махад харто' манзаито' сер" пелям' няндо' мипвандо' мян, тикы Царка падарт' тамна Федеральной Ватон' серо"пата.

Ненэцие" автономной округ Ватовна тикы' хавна тарана намгэри" тамна еся" местной самоуправления орган" Ненэцие" автономной округ' няд янга намгэри" пэрмам' мэвандо' мян.

(НАО' Ватовна № 498-ОВ' 2004 похы июнь' 28 толыркана няхарамдэй пунктада несэймдавы).

4. Россия' яна" нани' субъектха"на Ненэцие" автономной округхад представительства" танявандо' мян.

(НАО' Ватовна № 1-ОВ' 2009 похы январь' 27 толыркана тетимдей пеляда несэймдавы.)

12 статья

1. Округ' иленя" тарана" серо' тасламбава е"эмня, округ' нерня" минреавна, округ' хонарко' юнравам' сертамбада.

(НАО' Ватовна № 173-ОВ' 1999 похы апрель' 19 толыркана несэймдавы.)

2. Округ' нэвахана мэна манзяя серодо' нерцюна ёльцева тамна нерня' минрева, харто' манзаито сер' нултавам', нерцюна тэранзёвам' сертавам' нэкалма, нибтя таславы тэранзёва" нэкалма е"эмня, нэвахана мэна сяцок" нэбто'; депутат" тамна манзарани' тэрававна, таслававна, манзарана манзаравандо' тамна манзяяхадандо' ха"авравам'; округхы" бюджетм' ня"амбавам' нибтя несэймдавам', округ' еся" падар" ня"амбавам' тамна несэймдавам'; лэркабт' сертавнда сер' надимам', хибяри сенз нэвам', тамна хибяри" илм' лэтрамбава - тарця юнра"ма Округ' хонарко' юнравахана нидо' манэсар".

(НАО' Ватовна № 16-ОВ' 2010 похы апрель' 19 толыркана няби пеляда несэймдавы).

3. Российской Федерация' хонаркова хамадавам', сертабавам' Федеральной' Ватовна «Российской Федерация' иленя" хибяри" хонарко' юнравахана мэва, тэранзёвахана мэва саць' тарана серка"на ватомдо' мэ"ца"», округхы Ватовна «Ненэцие" автономной округ' хонарко' юнрава».

(НАО' Ватовна № 267-ОВ' 2000 похы декабрь' 07 толыркана несэймдавы).

13 статья

НАО' Ватовна № 552-ОВ' 2005 похы январь' 06 толыркана ха"аврабэй.

4 пеляда Ненэця" е"эмня социальной вато"рама сер"

14 статья

Государственной власть орган" округна" управление (серм'пэртя" няюв) ненэця" хибяри" илам' нерня минревам' тарана сернэ' тасламбидо', яханандо' харто" илевамдо' минревам' сахарамбидо'.

Ненэця" илм', культурам', вадам', мюсерць" ям', һахэт минрена манзаито' пэрмам' Российской федерацияна' һобнзер' таславы" принцип"мана няби хуркари" тенз" хибяри" договор"мана , федеральной няби округхы' законодательствовна пэртя", тикы е"эмня экономической няби правовой сава серо' сертабада".

15 статья

(НАО' Ватовна № 173 –ОВ' 1999 похы апрель' 19 толыркана несэймдавы)

Ненэця" няби Һэрм' яхана илена" һани" тенз" мэта" толырто' тянё хибяри" округханана государственной власть" органхана, управленияхана манзаравам' тасламбада", тарем' һод һани" манзай" округна" Ватовна поһгнандо' һобпирувна тасламбидо'.

16 статья

Ненэця" хибяри" социально-экономической нерня миндя" сер" государственной власть минрена" орган", округна" управление" сер" пэртя" ненэцие" хибяри" «Ясавэй» ассоциация' ня' тасламбада".

Округханана сенянийтотрев выһгы манзай" минрена" һани" тенз' мэта" хибяри" ненэця" тотрев социальной лэтравадо' тая".

17 статья

(НАО' Ватовна № 470 –ОВ' 2004 похы январь' 28 толыркана несэймдавы)

Сеняний тотрев выһгы манзаям' минрева" е"эмня, ты"пэрма я", хадо" лэтрава" е"эмня, нисянато'тотрев илевандо е эмня сертавы".

Сенянийтотрев иленя хибяри манзарава" я" Федеральной Ватовна, тамна Ненэцие" автономной округ Ватом"на", нормативной правовой акт"мана тасламбада.

5 пеляда. Ватом' тамбада округхы власть

19 статья

Округ' депутат' Собрания' - округ' Собрания' Вато тамбада властхана туюй нэвахы табадяр'нэ' толы. Округ' Собрания' тингэвна пили' манзара.

(НАО' Ватовна № 28-ОВ' 2000 похы март' 31' толыркана несэймдавы)

НАО' Ватовна № 17-ОВ' 2014 похы апрель' 11 толыркана несэймдавы, харта табековамда нэвнда Ненэцие' автономной округ' депутат' Собрания' нямна нэнгу.

Депутат' Собрания' 19 депутат' тет пон' тэрамби. Ханяңы депутат' Депутат' Собрания' манзаярим' минреңгу', цоквамдо' Ненэцие' автономной округ' Вато' сер' таслаңгудо'.

(НАО' Ватовна № 320-ОВ' 2002 похы январь' 4 толыркана, НАО' Ватовна № 470-ОВ' 2004 похы январь' 28 толыркана, НАО' Ватовна № 513-ОВ' 2004 похы октябрь' 22 толыркана, НАО' Ватовна № 640-ОВ' 2005 похы декабрь' 1 толыркана, НАО' Ватовна № 813-ОВ' 2006 похы декабрь' 19 толыркана, НАО' Ватовна № 87-ОВ' 2007 похы июнь' 21 толыркана, НАО' Ватовна № 168-ОВ' 2007 похы декабрь' 14 толыркана, НАО' Ватовна № 88-ОВ' 2008 похы ноябрь' 26 толыркана, НАО' Ватовна № 16-ОВ' 2010 похы апрель' 19 толыркана, НАО' Ватовна № 108-ОВ' 2012 похы ноябрь' 30 толыркана, НАО' Ватовна № 112-ОВ' 2013 похы декабрь' 20 толыркана, НАО' Ватовна № 17-ОВ' 2014 похы апрель' 11 толыркана несэймдавы')

Депутат' Собрания' Вато лэтбаданэ тара, ненадумда' ма пидте' мяда тая

(НАО' Ватовна № 228-ОВ' 2000 похы март' 31 толыркана несэймдавы)

20 статья

Цахакуд сертабада падро цопой яхана манзарана Депутат' Вато' тасламбада Палатам' надимдемби'.

21 статья

Округ' Собрания' тэравы харто' хибярито' поңгад пондан' манзаравандо' е'эмня цобнзер' тасалкода Комитет сертаби. Мал' тикаха' на манзарана' Депутат' Собрания' нэвнда манзаидо' манэ' сарта, сяха', ханзер' пэрп' сава, ирт'пой мимб'нандо', тасламбнгудо'. Тикы таславэдо' тад нерня' ханзер' минда', цобтарем' сырта'. Тикы' хавна харто' поңгнандо' лакамбой, нэда пили' пондан манзарани, тарана серо' пэртя' ненэцие

тэрабаңгу”.

(НАО’ Ватовна № 20-ОВ’ 1996 похы март’ 7 толыркана несэймдавы).

Комитет” ханзер” манзарабто’, ңамгэм’ пир”пато’ тарана падар”мана тасламбңгудо’.

(НАО’ Ватовна № 20-ОВ’ 1996 похы март’ 7 толыркана несэймдавы)

22 статья

1. Российской Федерацияхана иленяри хибяри” округ’ Собраниян’ депутатадамдо’ тэра пирта”. Округхана иленя” сиднет яңганы пондо’ пан”махад, тэранзёва’ серкана серота”, тэраңго пирта”.

(НАО’ Ватовна № 228-ОВ’ 2000 похы март’ 31 толыркана несэймдавы)

2. Депутат тэрабаваха”на хусувэй хибяри харта тэранзё харвабцомда тале мэтада.

НАО’ Ватовна № 88-ОВ’ 2008 похы ноябрь’ 26 толыркана несэймдавы харта таславэмда Ненэцие” автономной округхы депутат” Собраниян’ едэйвана тэравы’ нямна пэрнада. Сита тэравы ялядо’ НАО’ Ватовна № 88-ОВ’ 2008 похы ноябрь’ 26 толыркана пад”махад надимдевы.

3. Ненэцие” автономной округ’ депутат” Собраниян’ тэрабава хараси” ноб” сертабада, хусувэй самляңг похона ноб” мэва сертабада. Сяха’, ханзер” тэраңго тара, Россия яна”, округ’ Ватом’ нёда тасламбида. Депутат” Собраниян’ сяха’, ханзер” тэраңговам’ ниб”нанда тасла, тикахана серо манзаям’ сертавнда хибяри” тикы тэраңго манзаям’ сертаңгудо’. Сяха’, ханзер” тэраңговам’ «Ненэцие” автономной округ депутат” Собраниян’ тэрабава» округ’ Вато’ сер” пэрта”.

(НАО’ Ватовна № 228-ОВ’ 2000 похы март’ 31 толыркана надимдевы; НАО’ Ватовна № 88-ОВ’ 2008 похы ноябрь’ 26 толыркана несэймдавы).

23 статья

1. Округ’ Собраниян’ депутатнэ сидя ю” нопойм’ потнам’, Россия яна” тер” хибярим’ депутатнэ тэрабато’ серо”на.

(НАО’ Ватовна № 255-ОВ’ 2000 похы октябрь’ 9 толыркана несэймдавы)

23 статья’ 2 пелямда депутат” Собраниян’ едэйвана тэравы’ нямна пэрнада. Сита тэравы ялядо’ НАО’ Ватовна № 16-ОВ’ 2010 похы апрель’ 19 толыркана пад”махад надимдевы.

2. Депутаттэ пондан' манзаравада Россия яна'' Федеральной Собрания' Государственной Думахана депутатэ манзарабта ни серос''. Россия яна'' Федеральной Собрания' Федерация' Советхана мэнаңэ нобтарем' ни серос''. Судхана нобтарем' манзарангу вуни''. Россия яна'' тю''уняна ңамдэбта ни серос''. Россия' я' пел ерварканэ манзарабта ни тара''. Россия яна'' ңардахана таранаңэ манзарабта ни серос''. Россия' я' пеля' тю''у' няна ңамдэбта ни серос''. Ңэсы' ңэвахана манзаранаңэ няби ңэсы' ңэва' хэвхана мэнаңэ тарабта ни серос''. Валакада мал' тикыд Российской Федерация ватовна таслабэй нибто'' ңа''.

(НАО' Ватовна № 16-ОВ' 2010 похы апрель' 19 толыркана 2 пунктада несэймдавы)

3. Депутат харта серта хавна ңани манзаям' сертабта ни тара''.

(НАО' Ватовна № 228-ОВ' 2000 похы март' 31 толыркана 3 пунктада сертабэй)

4. Недбям' ня''амбада депутат харта манзаямда минреванда хавна ңацеки'' тохоламбаданэ, наукахана мэнаңэ, ивнянда тарана серо тая' пэрць мян''на. Тикы хараха''на ңацеки'' тохоламбава, наукахана мэва, ивнянда тарана серо минрева хэвний я тавы есярихина нёе пере''. Хэвний я' ма''лёр ңэ'', хэвний яхана илени еся ңэ'', хэвний, ханяхарта''на ниня перена хябири'' еся ңэ'', ноб'' тикы сер''. Валакада мал' тикым' Российской Федерация' вато'' тасламбада'' сер'', Российской Федерация хэвний я' няць падар''мана тасламба тара.

(НАО' Ватовна № 470-ОВ' 2004 похы январь' 28 толыркана 4 пунктада надимдевы; НАО' Ватовна № 62-ОВ' 2007 похы май' 21 толыркана несэймдавы)

23 статья 5 пеляда харта таславэмда Ненэцие'' автономной округхы депутат'' Собрания' едэйвана тэравы' нямна пэрңада. Сита тэравы ялядо' НАО' Ватовна № 16-ОВ' 2010 похы апрель' 19 толыркана пад''махад надимдевы

5. Депутат Ненэцие'' автономной округ' ерв'' поңгана еся' ед' манзарабта ни тара''. Пыда нобтарем' попечительской, наблюдательной советха'' туюнда ни ңа''. Тикы хавна яңга тэнз я'' ниня коммерческой Россия' ниня ервота манзаяха'' поңгандо' международной табеко яңгобта туюнда ни ңа''.

(НАО' Ватовна № 16-ОВ' 2010 похы апрель' 19 толыркана 5 пеляда несэймдавы)

23 статья 6 пеляда харта таславэмда Ненэцие'' автономной округхы депутат'' Собрания' едэйвана тэравы' нямна пэрңада. Сита тэравы ялядо'

НАО' Ватовна № 16-ОВ' 2010 похы апрель' 19 толыркана пад"махад надимдевы.

6. Харта манзаямда минрена, недбята детутат нядаңгодаңэ нэсь я"амгу, гражданской, уголовной сер" ватовна ватовна нэда представительства хавна нядаңго' я"амгу.

(НАО' Ватовна № 16-ОВ' 2010 похы апрель' 19 толыркана 6 пеляда надимдевы).

24 статья

(НАО' Ватовна № 470-ОВ' 2004 похы январь' 28 толыркана несэймдавы)

Округ' Собрания' депутат намгэм' пир"пата, намгэм' пэрпата, манзараванда' нид намгэхэна–сяңокувна нянда салдамбато"; тикахахад лабцевы манзаяхад намгэ' нид ха"аврамбада, мал' тикым' тикы Вато' Мэбцувна тамна «Округ' Собрания' депутат намгэ'–тикы' нямна нэда» округ' Ватовна таславы нэңгу.

Округ' Собрания' манзараванда вато, харта' е"эмнянда нэда вато" тасламбава, наво пэрмида юн", хуркари тэнз хамадыро', манзараванда е"эмня миндя есь харта тасламбида.

Депутат" Собрания' ноб" нерня' манзарава, перева' е"эмня миндя еся" Ненэцие" автономной округхана бюджет понгад хаерембада". Тикы еся нанихит хэвнякуна нэпто" тара, тарем' мале мал' бюджет' е"эмнянда нэда падаркана пады".

25 статья

(НАО' Ватовна № 480-ОВ' 2004 похы май' 10 толыркана несэймдавы)

1. Ненэцие" автономной округхы депутат" Собрания' серода тарця":

а) округ Вато' Мэбцм' ня"амва, ханяны серода несэймдава няны;

б) округхана нэда" сер" нямна, Российской' Федерациям' няць нэда" серо" нямна, Российской' Федерация' я" пеля" няць вато" тасламбава" серо нэдарамбида, мал' тикы пыда нудаханда нэпто" тара;

б1) НАО' Ватовна № 53-ОВ' 2012 похы июнь' 29' толыркана ныхысялма;

в) округ' губернатор няби администрация по' ямбхана намгэ'-тикым' пэрмы' нямна нэда падарт' инзелесьты, нерцюй хэты" юнраваха" нямна нани' инзелесьты;

(НАО' Ватовна № 83-ОВ' 2010 похы ноябрь' 11' толыркана несэймдавы)

в1) округ' губернатор, округ' тер'' хибяри'' нямна нэда падарм', хуркари таркаха''на хибя'' ханзер'' иле'', сян' еся'' е''эмняндо' мица'', сянм' бюджетан' салдамбаван' тамна налог' сер'' нямна нобтарем' инзелесьты'';

(НАО' Ватовна № 83-ОВ' 2010 похы ноябрь' 11' толыркана несэймдавы)

г) РФ' Конституция, Россия' я' еркана падвы Вато'' табекова'', Вато' Мэбц, Ненэцие'' автономной округ' Ватоха''на хамадавы тавы намгэм' сертамбида.

(НАО' Ватовна № 16-ОВ' 2010 похы апрель' 19 толыркана нюртей пеляда несэймдавы).

2. Округ' Ватовна:

а) Округ' губернатор сертавы бюджет' е''эмня' нэда падарм', тикы падарто'' ханзер'' манзаравам' мэйрасьтыдо'';

(НАО' Ватовна № 83-ОВ' 2010 похы ноябрь' 2 толыркана несэймдавы)

б) Россия яна'' ватом' нэда, округ' нардахана нэда нэсы' нэваха''на мэни тэраңгова' ялям', тикы яляхана серокута сер'' тэраңговам' тасламбсетыдо'';

в) округ' губернатор хибяри''хина илгана тарана серо'' няю' таславы есь митер''пава нэда падаро'' мэйрасьтыдо'';

(НАО' Ватовна № 83-ОВ' 2010 похы ноябрь' 2 толыркана несэймдавы)

г) Россия яна'' вато' табековам' няд''мяць, Россия пеляха'' нэдаравы налог ма''ламбавам' серокута сер'' вэталасетыдо'';

д) округ' яхана нэда Россия яна'' бюджетхана нэда манзаяидо' мэйрасьтыдо'';

е) округ' е''эй' нямна, тикы поңгнандо' хуркари тэнз'' миретя падар'', хибя'' нудаха'' нэдарава мян, тикым' мэ''ма' няю' тяхасовна, ибедорцеты;

ж) округ' сертавы хуркари нарка падар'' надимдевам' тамна сусадавам' мэйрасетыдо'';

з) округ' тер'' хибяри'' тарана серка''на хонрамбавам', тикы яляхана сероць сертабада сер'' ваеравам' тасласьтыдо'';

и) автономной округ' я' ила' паңгм' ня''амбада ерво намдтавам', ха''авравам', Россия яна'' ватом' няд''мяць вэталасьтыдо'';

(НАО' Ватовна № 53-ОВ' 2012 похы июнь' 29 толыркана "и" пунктада несэймдавы)

к) округ' яна'' пеляха'' ханзер'' тярпавам', тики тярпава несэйдавам' тасламбсетыдо';

л) государственной' власть серо''мана округ' серо сертабада'' ерво ханзер'' серо''на, тарем' цоб'' пуд вэталасьтыдо';

(НАО' Ватовна № 612-ОВ' 2005 похы октябрь' 6' толыркана несэймдавы)

м) НАО' Ватовна № 612-ОВ' 2006 похы март' 28 толыркана ха''авравы;

н) округхана нэда невхы, я сенений ненэцие цаво'', я' ила ненадумда''ма, хибяри тен'', хэбидя я'', илхана, культурахана, наукахана тарана цопой падарт' падбэй тасламбсетыдо';

о) нэсыхы''на нэда я' пел, округ', государство' нудаха''на ца; харвана'' нудаха''та, мирць манзаяхана ниня мэта, ханзер'' митерпавам' тасламбсетыдо';

п) округ' я' ила' паңгм' ня''амбада ерв'', округ' нудаханда нэда' е''эйм' ханзер'' митерпавам' тасламбсетыдо';

р) федеральной' Вато няд''мяць, тарана серо'' няю' сяхари' ватормы миретя падро надимдевам', илева' няю' нэдаравам' тасламбсетыдо';

с) федеральной' Вато няд''мяць ханяңы налог округ' бюджетан' миңа, тики налог'' нока толыр''мана толабасьтыдо';

т) Ненэцие'' автономной округ' мировой судхана манзарани, Вато' Мэбц судхана манзарани тэрабасетыдо', ха''аврасьтыдо';

(НАО' Ватовна № 16-ОВ' 2010 похы апрель' 19 толыркана "т" пунктада несэймдавы).

у) тамна цани' хуркари серо, Российской Федерация' Конституциявна, федеральной' вато''омна, округ' Вато' Мэбцувна, тамна округ' цани' вато'' нэда серо тасламбидо'.

3. Депутат'' Собрания' сертавы табековавна:

а) Депутат'' Собрания' манзаито тарана Вато' сер'' ханзер'' минрева, тики манзая'' ханзер'' тяха'' вэтавы нэңгу;

а1) НАО' Ватовна № 53-ОВ' 2012 похы июнь' 29' толыркана ныхысялма;

б) ханяңы я' ила' паңгм' ня''амбада ерво тэрабава, ха''аврава, харвабцомдо' падарт пад''махад, мал' тики' нямна Российской Федерация' Конституцияхана, федеральной' Ватохо''на, округ' Вато' Мэбцхана падвы цэвы нэбто';

в) депутат” Собраниян’ тэраңгова ялям’ ваторма, округ’ губернаторм’ тэраңгова, ха”аврава ялям’ ваторма;

(НАО’ Ватовна № 53-ОВ’ 2012 похы июнь’ 29 толыркана "в" пунктада несэймдавы)

г) округ’ Вато’ тасалковахана, округ’ хибяри” тарана серка”на хонаркова ялям’ ваторма;

д) округ’ губернаторан’ пунрёва, нива пунрёва серо тасламбава, тикы’ хавна округ’ администрациян’, тамна яңганя тэнз’ ервха”, ханяңы депутат” Собрания’, федеральной’ вато”омна, Вато’ Мэбцувна, округ’ вато” няд”мяць манзаито” тэрава нямна пады;

(НАО’ Ватовна № 83-ОВ’ 2010 похы февраль’ 11’ толыркана "д" пунктада несэймдавы)

е) округ’ я’ вар, цани’ тэнз я’ ня’ яңгревам’, несэймдавам’ мэйрамбида;

ж) округ’ серо пэрма е”эмня’ нэвнда падарм’ саву”на.

з) Ненэцие” автономной округ’ Вато’Мэбц суд’ манзарани, округ’ мировой суд’ манзарани, суд’ коллегиян’ яңга таславы хибяри намдтамби;

(НАО’ Ватовна № 16-ОВ’ 2010 похы апрель’ 19 толыркана "з" пунктада несэймдавы).

и) депутат” Собрания’ илева’ няю’ няби манзарава’ няю миндя еся’ нямна нэда падарм’ мэйрамбида, мал’ тикы ханзер” мэ”мамдо’ цобтарем’ мэйрамбида;

(НАО’ Ватовна № 761-ОВ’ 2006 похы октябрь’ 2’ толыркана "и" пунктада несэймдавы)

к) округ’ Тэраңгова комиссияхана манзарани пелян’ яңга таславы хибяри намтамби;

л) депутат Собрания’ депутат юнрава, хэтва нямна ноб’ сер” тасламбэйңэ пэрта;

м) округ’ губернатор, пыда нюртей нуда’ нылыда, цани’ нуда’ нылыда, тамна яңганя тэнз ерв” ханяңы сюри хибяри илевам’ лэтмбаданэ тара, тикахад округ’ бюджет’ нарктам’ табеко харвабцом’ юнрангу;

(НАО’ Ватовна № 83-ОВ’ 2010 похы февраль’ 11’ толыркана "м" пунктада несэймдавы)

н) Россия яна” Федеральной’ Собрания’ Государственной Думан’ вато’ несэймдава харвабцом’ мэта;

о) округ’ прокурор” манзаян’ тэравам’ харвабцомда юнрангу;

п) депутат” Собрания’ харта ватута нерде пэртя манзаяхаданда ха”авра пир”на;

р) НАО’ Ватовна № 612-ОВ’ 2005 похы октябрь’ 6 толыркана ха”авравы;

с) депутат” Собраниян’ тэравы ненэцие” поңгад депутат” Собрания’ нермбэртя, пыда нуданда нылы”, комитет” тамна яңганы тэнз ма”лэя” надимдембидо’, хусувэй надимдевэхэ”на царктам’, депутат” Собрания’ тамна манзай хуркари тарани ерв” тасламбсеты;

т) депутат” Собрания’ харто” поңганандо’ мэна хибярим’ тэрась, ха”аврась, пуня’ ханзь пирта;

у) тамна нани’ хуркари серо, Российской Федерация’ Конституциявна, федеральной” вато”омна, округ’ Вато’ Мэбцувна, тамна хуркари округ’ вато сер” нэда падарт’ падсеты”.

ф) Ненэцие” автономной округ’ суд’ коллегияхана яңга таславы хибярим’ ватута нерде пэртя манзаяхад ха”авра пирца.

(НАО’ Ватовна № 16-ОВ’ 2010 похы апрель’ 19 толыркана "ф" пунктада несэймдавы).

4. Вато’ Мэбц, округ’ вато’ няд”мяць депутат” Собрания’ харта пир”манда’ сер”, хуркари нэвнда сер”:

а) тарця серт’ таславы хибяри” ня’ округ’ вато ирт’ мэва, округ’ бюджет’ еся, округ’ яхана нэда государственной’ бюджет хавна миндя еся ханзер” пэрма, округ’ е”эй таславы нэбцувна, пили” сэвханандо’ на”;

б) тамна нани’ хуркари серо, Российской Федерация’ Конституциявна, федеральной” вато”омна, округ’ Вато’ Мэбцувна, тамна хуркари округ’ вато”омна нэда пэр”на.

5. Депутат” Собрания’ харто” пир”мамдо’ округ’ я’ ила’ паңгм’ ня”амбада нани’ ервоха” нэдара я”ма”, нэсы’ ервоха” нобтарем’ нэдара я”ма”, нани’ тю”уняна мэнаха” нобтарем’ нэдара я”ма”.

26 статья

Депутат” Собрания’ хуркари тэнз’ вато” тамбадаха”на тю”уй ноб” мэвахы властьнэ толы, округхана пили” манзара.

(НАО’ Ватовна № 470-ОВ’ 2004 похы январь’ 28 толыркана несэймдавы)

Цокхандо’ тэравы депутат” няхар” ян’ тярмы”, сидя пеляндо’ нок нэбто” депутат” Собрания’ харта нянда таславы ватомда нэда манзара пяңгу.

(НАО' Ватовна № 470-ОВ' 2004 похы январь' 28 толыркана несэймдавы)

Неры депутат" Собрания' нермбэртя нюртей мэва едэйвана тэравы хибяри ма"ламби, едэй депутат" Собрания' депутат" сито тэраңгова яляхад няхар" юдимдей яля' нерцюна нюртей ма"ламбвамдо' мэта".

(НАО' Ватовна № 1-ОВ' 2009 похы январь' 27 толыркана несэймдавы)

Цокханда тэравы депутат" няхар" ян' тярмы", сидя пеляндо' пир мале тэравы нэбто' харта' нянда таславы ватом' нёда манзара пянгу".

(НАО' Ватовна № 228-ОВ' 2000 похы март' 31 толыркана 4 пеляда несэймдавы)

27 статья

(НАО' Ватовна № 20-ОВ' 1996 похы март' 7 толыркана несэймдавы)

1. Депутат" Собрания' тер" депутат" нермбэртя, пыда нудита ңылы" тэраңгу". Депутат" Собрания' нермбэртя, пыда нудита ңылы" депутат поңгана пеляндо' ватамбой тале тэрамбада".

(НАО' Ватовна № 498-ОВ' 2004 похы июнь' 28 толыркана, НАО' Ватовна № 16-ОВ' 2010 похы апрель' 19 толыркана несэймдавы").

2. Нермбэртя, нермбэртя' нудита ңылы" депутат" Собраниян' отчёт сертаби". Нермбэртя, нермбэртя' нудита ңылы" депутат' поңгана пеляндо' ватамбой тале ха"авра мян"ңадо'.

(НАО' Ватовна № 498-ОВ' 2004 похы июнь' 28 толыркана, НАО' Ватовна № 16-ОВ' 2010 похы апрель' 19 толыркана несэймдавы").

3. Нермбэртя, нермбэртя яңгова мальңгана пыда нудита ңылы", депутат" Собраниям' хибяри' ня', хуркари тэнз ерво" ня', хуркари тэнз манзарани" ня', ңани' я' тер" ня' лаханава' мальңгана тара; депутат" Собрания' хуркари надимдевы падро пидте"мяхана мэйрамби.

(НАО' Ватовна № 228-ОВ' 2000 похы март' 31' толыркана несэймдавы)

4. Нермбэртя, пыда нудита ңылы" харто' е"эмняндо' ха"амвам' ханзь пирта". Депутат" Собрания' тарця серт' нибта харва", нермбэртя, нудита ңылы" сидя ирий ваера"махад мэта манзаидо' ңоб" ва"лавандо' пир.

(НАО' Ватовна № 16-ОВ' 2010 похы апрель' 19 толыркана несэймдавы).

5. Депутат" Собрания' манзаидо' тарана вато" сер" ханзер" минрева нэда падарка"на нермбэртя, пыда нудита ңылы" ханзер" тэрабада, ханзер" ха"аврамбада, ханзер" ва"лабада.

(НАО' Ватовна № 16-ОВ' 2010 похы апрель' 19 толыркана несэймдавы).

28 статья

1. Депутат" Собрания' округ' Вато", депутат" Собрания' сертавы падро ня"амбида, ня"амвыда ханзер" нерня' минре, пили" маниейда.

(НАО' Ватовна № 228-ОВ' 2000 похы март' 31 толыркана несэймдавы)

Ханяны депутат" Собрания' сертавы падаро тарабцодо' ёльце нарка нэбта, мал' тикы Ненэцие" автономной округ' СМИ' падарка"на манэ"лабта тара.

(НАО' Ватовна № 761-ОВ' 2006 похы октябрь' 2 толыркана надимдевы)

(НАО' Ватовна № 20-ОВ' 1996 похы март' 7 толыркана 1 пунктада несэймдавы)

2. Депутат" пеляхад ватадо' Ненэцие" автономной округ' Вато" ня"амби". Депутат" пеляхад ватадо' депутат" Собрания' табеку" ня"амби".

(НАО' Ватовна № 228-ОВ' 2000 похы март' 31 толыркана, НАО' Ватовна № 470-ОВ' 2004 похы январь' 28 толыркана, НАО' Ватовна № 504-ОВ' 2004 похы октябрь' 8 толыркана несэймдавы")

3. Падвы Вато" комитет, комиссия манэ"мадавэй, таславдавэй, ня"амбада" ни ца".

4. Хусувэй нэвнда ватом' сидя мэва толабада. Нэвнда ватом' ва"лабава, тараламбава депутат" Собрания' сертавы падаркана падбада. Депутат" Собрания' таславэнда сер", ханяны Вато депутат" ноб" ма"ламбавэхэна сидя тола"махад ня"амва мян.

(НАО' Ватовна № 228-ОВ' 2000 похы март' 31 толыркана 4 пеляда несэймдавы)

29 статья

1. Депутат" Собранияхана Ватом' несэймдава харвабцом' депутат" Собрания' депутат" мэць пирта", округ' губернатор мэць пирта, нэсы" нэваха"на манзарана" мэць пирта", Ненэцие" автономной округ прокурор" мэць пирта", Российской' Федерация' Советхана мэна" мэць пирта", округ' депутат" Собранияхана манзарана", округ' я' илам' ня"амбада' хэвхана манзарана" мэць пирта". Е"эмняндо' нямна нэда ватом' несэймдава' харвабцом' Ненэцие" автономной округ тэраңгова комиссия мэва' пир, «Ясавэй» нубета ненэцие" авссоциация нобтарем' мэва' пир.

(НАО' Ватовна № 16-ОВ' 2010 похы апрель' 19 толыркана, НАО' Ватовна № 83-ОВ' 2010 похы ноябрь' 2 толыркана, НАО' Ватовна № 27-ОВ' 2013 похы июнь' 3 толыркана несэймдавы")

2. Депутат" Собрания' налог", надимдева, сусадава, налог" салда"махад нэдарабтава, округ' еся мэ"мам' несэймдава, тамна несэй бюджет' мюд хамбада" нямна нэвнда ватом' округ' губернатор тикахана нябтя харта тикы' нямна лаханангу, нябтя пыда падвы тарана падарм' манэ"лабтаңгудо'. Тикы падар" есям' хамбада падар", есям' юнравы' пуд' сидя ю" цопой яля' ваерава' нерцюна депутат" Собраниян' нэдаравы нэбта тара

(НАО' Ватовна № 480-ОВ' 2004 похы май' 10 толыркана, НАО' Ватовна № 83-ОВ' 2010 похы ноябрь' 2 толыркана несэймдавы")

3. Округ' губернатор хамадабэйда, нэдарабэйда депутат" Собраниян' нэвнда ватуда пыда харвабцовнанда сямян нюртейцэ манэ"манда.

(НАО' Ватовна № 228-ОВ' 2000 похы март' 31 толыркана надимдевы, НАО' Ватовна № 83-ОВ' 2010 похы ноябрь' 2 толыркана несэймдавы)

30 статья

(НАО' Ватовна № 470-ОВ' 2004 похы январь' 28 толыркана несэймдавы)

1. Депутат" Собрания' ня"амбэй Ненэцие" автономной округ Вато пуня" губернаторан' нэдарамбидо'. Губернатор мале тикы вату си"ив яля' пиркана СМИ' падарка"на хибярихи" тэврангуда.

(НАО' Ватовна № 83-ОВ' 2010 похы февраль' 11 толыркана несэймдавы)

2. Округ' губернатор Вато' Мэбцм', нани' ватом' хусувэй округ' иленян' тэврангуда, валакада пидте"мяхананда мэйрангуда, нибтя ватом' ю' яля' пуд ва"лаңгуда (Вато' Мэбцан' несэймдавы Вато" хавна). Округ' губернатор Ватом' ва"лабта, тикы ва"лавы Вато' пуня' депутат" Собраниян' тута, валакада цамгэ' нид ва"лабэй хэвхананда падар" танебта тара, ханзер" савумдась, нэмгэхэна нядась тара.

(НАО' Ватовна № 83-ОВ' 2010 похы февраль' 11 толыркана несэймдавы)

3. Округ' губернатор округ' Ватом' ва"лабта, вадета Ватом' неры несэймдава' сер" цоб" ненэймдава пир, тикахана цокхандо' тэравы депутат" няхар" ян' тярмы", сидя пеляндо' пир тарцянь харвабто".

(НАО' Ватовна № 83-ОВ' 2010 похы ноябрь' 2 толыркана несэймдавы)

4. Неры несэймдавы' сер'' падвы округ' Вато, округ' губернатор нани' мэва ва''лабада ни ца'', мале тикы Ватом' си''ив яля ямбха''на хусувэй округ' иленян' тэвработа тараңгу.

(НАО' Ватовна № 83-ОВ' 2010 похы ноябрь' 2 толыркана несэймдавы)

5. НАО' Ватовна № 1-ОВ' 2009 похы январь' 27 толыркана ныхысялмы.

6. Вато' Мэбц, округ' вато харти' ныхымди', хибяри'' ед' таславы падарт' падвы' пуд, мэңгуху'. Ненэцие'' автономной округ' яңганы тэнз'' вато, вато' някуй нэда падар'', хибяри' ивнянда илева' нямна нэдам', хибяри харта харвабцовнанда илева' нямна нэдам', харто'' ныхымдо', падарт' пад''махад' пуд, ю'' ялям' ваерась, мэңгу.

7. Ненэцие'' автономной округ' Вато нибта нани' несэй вато' някуй намгэ падарт' падвэңэ тикырихина толюда, сяха' сита наңэдяңэ Ненэцие'' автономной округ' СМИ' падарт' лабцебтеңгудо'.

(НАО' Ватовна № 761-ОВ' 2006 похы октябрь' 2 толыркана си''ивмдей пеляда несэймдавы)

8. Российской Федерация' Конституция, федеральной'' вато'', Вато' Мэбц, округ' вато'' Ненэцие'' автономной округ' яхана пили'' тяхасовна лэтамбада''.

31 статья

(НАО' Ватовна № 228-ОВ' 2000 похы март' 31 толыркана несэймдавы)

1. Депутат'' Собрания' ватунда нерцюна ва''ларавы:

а) Округ' депутат'' Собрания' манзая' ва''лабавам' Вато' Мэбц сер'', округ' вато' сер'' таслаңгуда, тарцяң' цокхандо' тэравы депутат'' няхар'' яң' тярмы'', сидя пеляңдо' пир ня''амбида';

б) округ' губернатор депутат'' Собраниям' тахаравам', падвы нябидей 2 тамна 2.1 пеляха''на, падвэвна таслаңгудо';

(НАО' Ватовна № 168-ОВ' 2007 похы декабрь' 14 толыркана, НАО' Ватовна № 83-ОВ' 2010 похы ноябрь' 2 толыркана несэймдавы'')

в) Депутат'' Собрания' манзаяңдо' выдарабэй депутат'', суд' мазарани' таславэвна, харто'' пыдамдо' манзаяхадандо' харто'' сито'' ха''авравы'';

г) «Россия яна” я’ пёл Вато тамбадаха” (нэдаравы хибяха”) няби серо сертабадаха” намгэдики ханзер” пэрма серота» федеральной’ Ватовна 9 статья’ 4 пелямда няд”мяць ха”аврабэй Депутат” Собраниям’ нэдарамбидо’.

(НАО’ Ватовна № 612-ОВ’ 2005 похы октябрь’ 6 толыркана, НАО’ Ватовна № 53-ОВ’ 2012 похы июнь’ 29 толыркана несэймдавы”)

2. Округ’ губернатор депутат” Собраниян’ ватонда нерцюна нэдарась тамна тарем’ пирта, округ’ депутат” Собрания’ тарця Вато’ Мэбцм’ нибта нани’ округ’ ватом’ таслангуда, Российской Федерация’ Конституция сер”, федеральной вато” сер”, Россия’ субъектата’ ня” нобкана пэртя вато сер”, округ’ Вато’ Мэбц сер”, тарем’ падвы нэнгу” ни. Тикы’ яңгвам’ суд’ манзарана” хобто”, депутат” Собрания’ суд’ падарм’ ня”амхад мат” ирий’ ямбан тикым’ нивы нэбто” серта”.

(НАО’ Ватовна № 83-ОВ’ 2010 похы ноябрь’ 2 толыркана несэймдавы)

2.1. Суд таславы падар”мана няхар” ирий’ нобкарт’ мэва нобкана ма”лавдавэй депутат” Собраниям’ губернатор ватонда нерцюна манзаяхадандо’ ха”авра мян”нада.

(НАО’ Ватовна № 83-ОВ’ 2010 похы ноябрь’ 2 толыркана несэймдавы)

Суд таславы падар”мана няхар” ирий’ нобкарт’ мэва нобкана ма”лавдавэй едэй тэравы депутат” Собраниям’ губернатор ватонда нерцюна манзаяхадандо’ ха”авра мян”нада.

(НАО’ Ватовна № 83-ОВ’ 2010 похы ноябрь’ 2 толыркана несэймдавы)

Ватута нерцюна няхар” ирий’ пуд’ суд падар” тасла”мавна губернатор депутат” Собраниям’ ва”ла мян”нада.

(НАО’ Ватовна № 168-ОВ’ 2007 похы декабрь’ 14 толыркана надимдевы, НАО’ Ватовна № 83-ОВ’ 2010 похы ноябрь’ 2 толыркана несэймдавы)

3. Округ’ губернатор депутат” Собраниям’ ватонда нерцюна манзаяхад ва”лавам’, табадярнэ падбида, нэдарамбида.

(НАО’ Ватовна № 83-ОВ’ 2010 похы ноябрь’ 2 толыркана несэймдавы)

4. Округ’ депутат” Собрания’ ватонда нерцюна манзаяхад ва”лабто’, едэй манзараванда депутат” тэраванда’ нерня’, ялэта’ нерде манзаяхад ва”лава’ яля’ пуд’ мат” ирий’ тяха’ нэдарабта ни серос”, таминда округ’ депутат” Собрания’ несэй хибяридамда тэрава’ няю’, яңга тэраңгова ялям’ таслангу.

(НАО’ Ватовна № 761-ОВ’ 2006 похы октябрь’ 2 толыркана тетимдей пеляда несэймдавы)

6 пеляда. Округ' серо" сертабада власть

32 статья

(НАО' Ватовна № 83-ОВ' 2010 похы ноябрь' 02 толыркана несэйсдавы)

Ненэцие" автономной округхана округ' губернатор сямьхат нарка ервнэ толы.

Вато' Мэбцувна, округхы вато"мна манзаянда серо" е"эмня пады.

Округ' Администрация Ненэцие" автономной округхана сямьхат нарка государственной исполнительной власть' органнэ толы.

Округ' губернатор округ' Администрация' нермбэртянэ тара.

Ненэцие" автономной округхана округ' Администрация нобнзер" манзарава, тасалкова исполнительной власть' орган нарктанэ тара.

Вато' Мэбцувна, округхы Вато"мана округ' Администрация намгэм' пир"пата, намгэм' пэр"пата, хибярихи"на няданговадо', манзаидо' ханзер" пывам', намгэ тикым' пэрма нямна нэда, мал" тая".

Округ' Администрация юридической намгэнэ толы, ненадумдмада (печатьяда) тая.

Округ' бюджетхад етя' е"эмнандо' падвы статьявна округ' Администрация, исполнительной власть' органа есядамдо' ня"марпи.

33 статья

(НАО' Ватовна № 20-ОВ' 1996 похы март' 07 толыркана несэймдавы)

НАО' Ватовна № 53-ОВ' 2012 похона июнь' 29 толыркана ныхысялмы.

Округ' губернатор Российской Федерация' Государственной Дума' Федеральной Собрания депутатнэ манзарабта ни серос", Российской Федерация' Федеральной Собрания' Федерация' Советхана мэнанэ тарась, нобтарем' ни серос", судхана судьянэ нобтарем' манзара ватода янгу, Российской Федерацияхана государственной нани" манзаяха"на мэбта ни серос", Ненэцие" автономной округхана нани" государственной манзаяха"на мэбта ни серос", федеральной государственной манзаяха" на мэбта ни серос", Российской Федерация' субъект' хибяри" е"эмня нэда манзаям' минребта ни серос", тамна муниципальной манзаям' пэртянэ няби муниципальной служба' манзаям' пэрць нобтарем' ни серос", Российской Федерация' законодательствовна ханяна манзаянда недбям' салдаби" таяна нобтарем' манзарабта ни серос", валакада тохолкова, наука' манзаям', ивнянда минрена тарана (творческой) манзаям' минреванда пир. Российской Федерация' договор"мана, Российской Федерация' законодательствовна тикы хараха"на тохолкова, наука' манзаям' минрева, ивнянда минрена тарана (творческой) манзаям' минрева нани" я"тавы есярихит, международной няби нани" я' ма"лэя есярихит, хэвний яхана иленя хибяри" есярихит, гражданствондо' янгуа хибяри" есярихит ни салкод". Российской Федерация' Президент' табековавна государственной

федеральной служба манзаям сертабавам ненэй абзац пеляхана падбэйм нива пир.

(НАО Ватовна № 16-ОВ 2010 похы апрель 19 толыркана, № 83-ОВ ноябрь 02 толыркана несэймдавэхэ')

Российской Федерация законодательствовна нибтя Российской Федерация международной договормана таслабаб, управления орган поугана, попечительской нибтя сырма советхана, нани правительствохона нина нэда коммерческой нина нэда, нани яндер организация орган, пыдо манзаито серм минрелва, мал Российской Федерация яхана манзарана, тикы понгана округ губернатор тасалкобта ни серос

(НАО Ватовна № 62-ОВ 2007 похона май 21 толыркана таславы, НАО Ватовна № 83-ОВ ноябрь 02 толыркана несэймдавы)

Федеральной ватовна государственной таклёда намгэ еэмня етя падартамда округ губернатор сертабта тарангу, нива сертава ватода янгу.

(НАО Ватовна №53-ОВ 2012 похона июнь 29 толыркана абзацда таславы)

34 статья

(НАО Ватовна №53-ОВ 2012 похы июнь 29 толыркана несэймдавы)

1. Российской Федерацияхана иленя хибяри округ губернаторм тале тэрамбидо

Округ губернаторм Российской Федерацияхана иленя хибярихит няхар ю понда панва пуд тэрава пир, тэравы хибяри нани яндер хибяри нэбта ни серос, нани яхана илева падарта янгобта тара.

2. Округ губернаторм самлянг пон тэрабада, тикы манзаям сидя мэва вэталась пиртада, губернаторнэ манзара ёльцямда манзаяханда танвы яляхаданда таслаба тара.

3. Округ губернаторнэ таралманда нерня Вато Мэбцан, Российской Федерация Конституциян, хибярихи тарця вади вадета: «Ненэцие автономной округ губернаторнэ манзарабаан, Российской Федерация Конституциям, федеральной вато, Вато Мэбцм, Ненэцие автономной округ вато, тамна Российской Федерация Президент табековаха тамна Российской Федерация Правительство табековаха инзелегудм, тикы табековамна сертавнда серон минрегудм, Ненэцие автономной округхана иленя хибяри илевадо сава нэбта, нерня ноб харн ныхув, харн теневабцов нись сэй мэтав, хибяри няби Российской Федерация Конституциян пили намдортадм».

4. Валытавам паской хардахана хэтмбаугуда, тания етя хамбэй хибяри, депутат Собранияхад депутат, округ тэранзёва комиссияхана манзарабэй, муниципальной образования наркта.

Округ губернатор валытавам хэтва яляхад манзаямда пянгу.

34(1) статья

(НАО' Ватовна № 812-ОВ' 2006 похы декабрь' 18 толыркана несэймдавы)

Ханяны серкана, Федеральной ватовна: «Российской Федерация' субъект' государственной исполнительной власть' орган' няби законодательной серо сертабадах' намгэдики ханзер' пэрма' серота» тания, Российской Федерация' Президент лакамбой округ' губернатор' манзаям' минренам' табада пир'на, тики хибяри депутат' Собраниям' яндаха' нэдарая'ма, округ' Вато' Мэбцам' несэймдась я'ма, ивнянда округ' губернатор' нуда нылы ха'аврась я'ма, тамна нани округ' серо сертабада власть' ерво ха'авра нобтарем' я'ма.

(НАО' Ватовна № 83-ОВ' 2010 похы ноябрь' 02 толыркана, № 17-ОВ' 2014 похы апрель' 11 толыркана несэймдавэхэ')

35 статья

(НАО' Ватовна № 83-ОВ' 2010 похы ноябрь' 02 толыркана несэймдавы)

Округ' Администрация манзарана тарця'':

округ' губернатор, округ' Администрация' губернатор' нюртей нуда нылы, округ' Администрация' губернатор' нудита нылы'', округ' исполнительной власть' орган'' ерв'' ханяны'' тарця манзаи пэрманда: хибяри'' е''эмня социальной манзаи минрена, еся'' таслава' управления' манзарана, округ' государственной навори'' ымна управления' манзарана.

36 статья

(НАО' Ватовна № 83-ОВ' 2010 похы ноябрь' 02 толыркана несэймдавы)

Ненэцие'' автономной округхы Вато государственной власть' орган' манзаравам' тасламбида.

Ненэцие'' автономной округхы Ватовна округ' администрация сямянхат нарка государственной власть' органнэ толы.

Ненэцие'' автономной округхана намгарито' серо саваркавна тасламбава' е''эмня, управленияндо' понгана нэда серодо' тидпой'' манзарава' е''эмня нани'' государственной власть' орган'' сертабэй.

Ненэцие автономной округхы Ватовна, Вато' Мэбцувна округ' губернатор нани'' государственной власть' орган'' хурка нэвам' таслабнугуда.

Округ' администрация округ' нани'' государственной власть' орган'' серодо' ханзер'' мимам' таслабнугудо'.

Ненэци'' округ' Ватовна нани'' государственной власть' орган'' хэтбэй'' серк''нато' юридической ватодо тания.

36(1) статья

(НАО' Ватовна № 83-ОВ' 2010 похы ноябрь' 02 толыркана несэймдавы)

Ненэцие" округ' Ватовна, Вато' Мэбцувна, федеральной вато" мана депутат" Собраниа Ненэцие" автономной округхы государственной власть' орган' ервха", харто' округхы таслабэй" хибяха" нянандо' нибта серос", тикы хибярихы" нива пунрёвамдо' хэтнгу".

37 статья

(НАО' Ватовна № 228-ОВ' 2000 похы март' 03 толыркана несэймдавы)

1. Округ' губернатор:

(НАО' Ватовна № 83-ОВ' 2010 похы ноябрь' 02 толыркана несэймдавы)

а) Ненэцие" автономной округхы Ватовна, Вато' Мэбцувна тарана падаро няби договор округ' нюмгад падбабта сава, нэсы' нэвахана манзарани" хари" нэда" сер' тасламбава' орган' ня внешнеэкономической нобкана нэда серо, Российской Федерация' субъект" государственной власть' орган" ня, федеральной государственной власть' орган" ня Ненэцие автономной округ' вато' серо манэ"лабтамби;

а1) Ненэцие" автономной округ' депутат" Собраниахана законодательной ватода тания;

(НАО' Ватовна № 1-ОВ' 2009 похы январь' 27 толыркана «а1» пунктада надимдевы)

б) депутат" Собраниа ня"амвы вато' падаро ва"лаванда пир, етя сертавы акт" вато пидтемяхананда мэйраңгуда, тикы вато хибярихи" тэвраңгуда;

в) НАО' Ватовна № 612-ОВ' 2005 похы октябрь' 06 толыркана ха"аврабэй;

г) депутат" Собраниа' ня округ' губернатор нюртей нуданда нылыхы, округ' администрация' нуда нылыхы", округ' исполнительной власть' орган" хибяри" социальной нядабава, еся' серм' минрена управления ервха" таслаңгуху';

(НАО' Ватовна №83-ОВ' 2010 похы ноябрь' 02 толыркана «г» пунктада несэймдавы);

д) федеральной исполнительной власть' органха" манэ" манзэ акт" проект мипи;

е) Российской Федерация' законодательствовна округхы хуркари" государственной власть' орган", федеральной исполнительной власть' орган", нэсы' нэвахана манзарана" хари" серо тасламбада' орган", хибяри" ма"лёя' ня округхы исполнительной власть' орган" серка"на нядаңгода";

(НАО' Ватовна № 612-ОВ' 2010 похы октябрь' 06 толыркана несэймдавы)

ж) депутат" Собраниян' хусувэй по округ' бюджет' проктм', тамна ханзер" бюджетм' минрева' е"эмня тарана падарм' манэ"лабтамби;

(НАО' Ватовна № 16-ОВ' 2010 похы апрель' 19 толыркана «ж» пунктата несэймдавы);

з1) депутат" Собраниян' округхана социально-экономической сер" ханзер" мима' э"эмня, тамна налоговой политика няби бюджетхана тарана серо' е"эмня хусувэй по апрель' ирий 1 яля' нэсонд юн' падарм' (докладм') нэдарамби;

(НАО' Ватовна № 16-ОВ' 2010 похы апрель' 19 толыркана «з1» пунктада несэймдавы)

и) хусувэй вындер' иленя, хибяри таслабэй ватовна нись пин" илебта, намгэрида нод" лэтрэбто', вэваку сер" янгобто' тяжавна сырта;

к) проект" серо, внешнеэкономической няби международной нубка"на тасалковам', межрегиональной няби нани" договор" (соглашения) падро хамадамби, Ненэцие" автономной округ' Российской Федерация' субъект' ня Ненэцие" автономной округ' ватовна депутат" Собраниян' сертавы падрода пидтемам' масибтеванзэ митыда, тикы' пуд округ' нюмгад харта пидтемамда мэнгу;

л) Ненэцие" округ' ватовна округ' администрацияхана манзарани тасламби, администрация' манзарани ха"аврава' е"эмня харта табековам' сертамби;

(НАО' Ватовна № 612-ОВ' 2005 похы октябрь' 06 толыркана несэймдавы)

м) Ненэцие автономной округ' Вато' Мэбцувна, депутат" Собрания таславэвна ниня нэвнда (внеочередной) депутат" Собраниям' ма"лаванда пир, тамна едэйвана тэрабэй депутат" Собраниям' ватонда нерцюна ма"лаванда пир;

н) депутат" Собрания' манзаравахана совещательной сёсавэй тасалкова' ватода тая;

о) Ненэцие округ' ватовна, Вато' Мэбцувна, федеральной вато"мана нани" тасалкови вату пэрць мянжа;

Округ' губернатор табековида Российской Федерация' Конституциявна (Нарка падар"мана), федеральной ватовна минребта, тамна Ненэцие" автономной округ' ватовна, Вато' Мэбцувна, Российской Федерация' Президент табековаха" инзелебта тара.

(НАО' Ватовна № 83-ОВ' 2010 похы ноябрь' 02 толыркана несэймдавы)

2. Округ' Администрация Ненэцие" автономной округхана комплексной социально-экономической серм' минревам' сертамба нядангу, нубнзер" нэда государственной политика' финансха"на (есяха"на), наукахана, тохолковахана, хибири савумдаланговахана, культурахана, спортхана тамна физической культурахана, хибяри есяха"на нядамбавахана (социальной обеспеченияхана), экологияхана тасалкоб" мэбта тара.

(НАО' Ватовна № 16-ОВ' 2010 апрель' 19 толыркана несэймдавы)

Округ' Администрация:

а) харта пирманда вато''мана хусувэй вындер' иленя, хибяри' сававна илевам', һамгэрита перевам', терроризмхад, экстремизмад, пёдвахат (хибяри хадабавахат) нядангобта тара;

(НАО' Ватовна № 16-ОВ' 2010 похы апрель' 19 толыркана несэйсдавы)

б) депутат'' Собраниян' округ' губернатор округхы бюджет' проектм', тамна округ' социально-экономической проект'' серта ханзер'' мима' е''эмня сертамби, тасалку;

(НАО' Ватовна №83-ОВ' 2010 похы ноябрь' 02 толыркана несэймдавы)

в) депутат'' Собраниян' округ' губернатор округхы бюджет хамадёва' е''эмня, тамна округ' социально-экономической программита проект'' ханзер'' серода мима е''эмня отчётм' (юн' падарм') һэдарабми;

(НАО' Ватовна №83-ОВ' 2010 похы ноябрь' 02 толыркана несэймдавы)

г) Ненэцие'' автономной округ' ватовна, Вато' Мэбцувна округ' һани'' исполнительной власть' орган'' тасламби;

д) округхы ватовна округ' һаво е''эйхана тасалку няби табеку, тамна Российской Федерация һани'' нормативной правовой актха''на няби федеральной вато''мана округ' управлениян' мипэй һаво е''эйхана табеку;

(НАО' Ватовна №168-ОВ' 2007 похы декабрь' 14 толыркана несэймдавы)

е) һэсы' һэвахана манзарана'' хари'' һэда серо тасламбва' органаха'', һэсы' һэвахана манзарана'' хари'' һэда серо тасламбава тэрабэй нибтя серм' минрена манзарана хибярин' сертавы правовой актадо' Российской Федерация закодательствовна, Российской Федерация' Конституциявна (ҺАрка падармана), федеральной вато''омна, Российской Федерация һани'' нормативной правовой акт''мана, Вато' Мэбцувна, округ' нормативной правовой акт''мана, ватовна нибто' серос'', судан' юн'падарм' һэдарапгу;

ж) НАО' Ватовна № 470-ОВ' 2004 похона январь' 28 толыркана ха''авравы

з) федеральной ватовна, Вато' Мэбцувна, округ' вато''омна, тамна федеральной исполнительной власть' органха''на серота Российской Федерация' Конституция' 78 статьявна һани серода тасламби.

38 статья

(НАО' Ватовна № 470-ОВ' 2004 похы январь' 28 толыркана несэймдавы)

1.Округ' губернатор Российской Федерация' Конституциявна, федеральной вато''мана, Российской Федерация' Президент нормативной акт''мана, Российской Федерация' Правительство' табековна, Вато' Мэбцувна, округ' вато''омна таславэ''эмна табекови сертамби.

(НАО' Ватовна №83-ОВ' 2010 похы ноябрь' 02 толыркана несэймдавы)

2. Округ' губернатор' актада, округ' администрация' актада пыдо' таславыдо' Ненэцие'' автономной округхана ненэся сертавнда.

(НАО' Ватовна №83-ОВ' 2010 похы ноябрь' 02 толыркана несэймдавы)

3. Округ' губернатор, округ' администрация сертавы акт'' Российской Федерация' Конституциявна, федеральной вато''мана, Российской Федерация' тамна Российской Федерация' субъект'' табеко''мана, Российской Федерация' Президент' табековавна, Российской Федерация' Правительство' табековавна, Вато' Мэбцувна, округ' вато''омна нобнзер'' таславы вато'' сероць таслабэй нэпто' тара.

(НАО' Ватовна № 83-ОВ' 2010 похы ноябрь' 02 толыркана несэймдавы)

4. Округ' губернатор, округ' администрация сертавы нормативно-правовой акт'' Ненэцие'' автономной округ' СМИхана серм' минрена'' падарка''на падбато тара.

(НАО' Ватовна № 761-ОВ' 2006 похы октябрь 02 толыркана, № 83-ОВ' 2010 похы ноябрь' 02 толыркана несэймдавэхэ')

38(1) статья

(НАО' Ватовна № 812-ОВ' 2006 похы декабрь' 18 толыркана сертабэй)

1. Сяха' округ' губернатор янгованда мальнугана, губернатор' нюртей нуданда нылы серка''на тасалкода, валакада федеральной ватовна нэда ватохона «Российской Федерация' субъект'' государственной исполнительной власть' орган'' няби законодательной ватовна нобнзер'' нэда тасалкова'' сертабэй» Федеральной вато 19 статья пунктада 9.1 манзарабта ни серос''.

(НАО' Ватовна № 16-ОВ' 2010 похы апрель' 19 толыркана, № 83-ОВ' 2010 похы ноябрь' 02 толыркана несэймдавэхэ')

2. Округ' администрация наркта нюртей нуданда нылы губернаторта таңэ манзарабта хусувэй серка''на тасалкобта сава, ненэй статья 1 пеляхананда пады, валакада 37 статьяхана 1 пеляхананда тарця пункт'' «б», «г», «з», «л», «м» Вато' Мэбцувна ни серос'':

(НАО' Ватовна № 1-ОВ' 2009 похы январь' 27 толыркана, № 83-ОВ' 2010 похы ноябрь' 02 толыркана таславэхэ')

а) округ' дупутат'' Собраниям' тахабтамбида;

б) округ Вато' Мэбц нянанда нибта серос'', предложения сертангу;

в) Ненэцие'' автономной округхана хонаркова е''эмня вадам мэта;

г) Российской Федерация' Собраниян' Федеральной Федерация' Советан' округ' администрацияхад таняна манзаравнда хибярим' (представительм') таслаңгу;

д) харта ивнянда округ' администрация' наркта нудата нылы' ня сертабэй служебной контрактада тахабтангуда;

е) округ' администрациям' ханзер'' нянанда тара тарем' таслаңгуда;

3. Сяха' округ' губернатор командировкахана мэ, пыда мал'' серо''кана тасалку.

(НАО' Ватовна № 83-ОВ' 2010 похы ноябрь'02 толыркана несэймдавы)

Округ' губернатор падвы ватовна правовой'' няби округ' администрация һани'' акт'' округ' администрация' һаркта' һуда һэлы пидтемамда масибтебта серо''на.

(НАО' Ватовна №83-ОВ' 2010 ноябрь' 02 толыркана несэймдавы)

39 статья

(НАО' Ватовна №228-ОВ' 2000 похы март' 31 толыркана несэймдавы)

1. Округ' губернатор манзаравада ватонда нерцю сусадава пир:

(НАО' Ватовна № 83-ОВ' 2010 похы ноябрь 02 толыркана несэймдавы)

а) пыда янгумбата;

б) депутат'' Собрания нянда нибтя пунрэ. Российской Федерация' Президент манзаяхаданда ха''авраңгуда;

(НАО' Ватовна № 612-ОВ' 2005 похы октябрь 06 толыркана «б» пунктада несэймдавы)

в) харта тарем' таслабта;

г) суд сита манзара я''амдаңэ таслаңгу;

д) суд яңгумэңэ таслабта, нибтя товамда ехэрабта;

е) пыда е''эмнянда суд' ватовна (приговоровна) вэвакум' таславыда падаркана таянгу;

ж) Российской Федерацияхад пыда һани ян' илеванзь пилибт'' хэбта;

з) Российской Федерация' хибяри һэвамда сусадабта, һани яндер' хибяринэ толёбта, һани яхана илеванда е'' эмня тарця падро сертабта;

(НАО' Ватовна № 793-ОВ' 2006 похы ноябрь 24 толыркана несэймдавы)

и) НАО' Ватовна № 612-ОВ' 2005 похона октябрь' 06 толыркана ха''авравы;

к) Российской Федерация' Президент сита вэваковна манзараванда е'' эмня, тамна һани федеральной вато'' серо''мана;

(НАО' Ватовна № 267-ОВ' 2000 похы декабрь' 07 толыркана «к» пунктада таславы, НАО' Ватовна № 612-ОВ' 2005 похы октябрь' 06 толыркана несэймдавы);

л) Федеральной ватовна «Российской Федерация' субъект'' государственной исполнительной власть' орган'' няби законодательной ватовна һобнзер'' һэда тасалкова'' сертабэй''» округ' ватовна округхана иленя'' сита тэрабэй'' хибяри, манзяхадандо' ва''лава' е''эмня вадам' мэта.

(НАО' Ватовна № 53-ОВ' 2012 июнь 29 толыркана «л» пунктада таславы)

2. депутат'' Собрания округ' губернаторан' нива пунрэвамдо хэтиванда пир:

(НАО' Ватовна № 83-ОВ' 2010 похы ноябрь' 02 толыркана несэймдавы)

сертабэй актада нибто серос" Российской Федерация Конституциявна, федеральной вато"омна, Вато' Мэбцувна тамна округ' ватовна, суд манэ"махад округ' губернатор ирий' пуд нибта сававна серта;

(НАО' Ватовна № 83-ОВ' 2010 похы ноябрь' 02 толыркана несэймдавы)

Российской Федерация' Конституциявна, федеральной вато"омна, Российской Федерация' Президент' табекован', Российской Федерация' Правительство' табекован', Вато' Мэбцувна тамна округ' ватовна тарем нибтя манзара, жока хибяри серо нись тарем' таслаббата, хибяри илевадо вэва нэбта, суд таслаңгуда.

(НАО' Ватовна № 480-ОВ' 2004 похы май 10 толыркана несэймдавы)

округ' губернатор саць серода вэваковна минребта.

(НАО' Ватовна № 612-ОВ' 2005 похы октябрь' 06 толыркана таславы, НАО' Ватовна № 83-ОВ' похы ноябрь' 02 толыркана несэймдавы)

3. Депутат" Собрания округ' губернаторан' нива пунрөвндө' е"эмня, сидя няхарамдэй сёвна, мал" депутат" нопой няхарамдэйдө' танябта, тасалкода".

(НАО' Ватовна № 83-ОВ' 2010 похы ноябрь' 02 толыркана несэймдавы)

4. Депутат" Собрания округ' губернаторан' нива пунрөва' падарто' Российской Федерация' Призидентан' нэдарангудо'. Российской Федерация' Президент округ' губернаторм' мазьяхаданда ха"аврабта, округ' администрациям' нобтарем' ха"аврангу.

(НАО' Ватовна № 612-ОВ' 2005 похы октябрь' 06 толыркана, № 83-ОВ' 2010 похы ноябрь' 02 толыркана несэймдавэхэ')

5. Округ' администрациям' ха"аврабто' нод", едэй манзарани" това' нэсонд манзараңгу ненэй статьяхана 4 пункхананда пады.

(НАО' Ватовна № 480-ОВ' 2004 похы май 10 толыркана 5 пунктада несэймдавы)

6-7. НАО' Ватовна № 812-ОВ' 2006 похона декабрь' 18 толыркана ныхысялмэхэ'.

8. НАО' Ватовна № 53-ОВ' 2012 похы июнь' 29 толыркана ныхысялмы.

39(1) статья

НАО' Ватовна № 83-ОВ' 2010 похы ноябрь' 02 толыркана ныхысялмы.

7 пеляда. Ненэцие" харто' имдо' мэта (автономной) округ' Царка падар" Ватовна округ' исполнительной власть' орган", округ' Губернатор, депутат" Собрания, округ' администрация нобкад пангдэда" ватута" сер".

(НАО' Ватовна № 83-ОВ' 2010 похы февраль' 02 толыркана несэймдавы)

40 статья

(НАО' Ватовна № 470-ОВ' 2004 похы январь' 28 толыркана несэймдавы)

1. Ненэцие" автономной округ' администрация няби депутат" Собрания' Царка падар" Ватовна округ' государственной серм' тярпида: законодательной, исполнительной, судебной, хусувэй серта таслабнугуда.

2. Ненэцие" автономной округ' депутат" Собрания няби администрация нобнзер" Федеральной Ватом' «Российской Федерация' государственной властянда' субъект" няби нобнзер" нэда' ватовна табекова» тамна округна" Вато сававна хибяри" илева' е"эмня социальной няби экономической серото' манзаравам' сававна талебабто' тара.

3. Округ' Губернатор, округ' администрация Ненэцие" автономной округ' нани исполнительной властянда' орган" нормативной правовой актадо' си "ыв яля пиркана таслабэй нэбто' округ' депутат" Собраниян' нэдарабто' тара.

(НАО' Ватовна № 83-ОВ'3 пеляда 2010 похы ноябрь' 02 толыркана несэймдавы)

4. Российской Федерация' Царка падаркана' нэда хэты' нормативной правовой актха" хонарковам', Российской Федерация' Царка падар" Судан' депутат " Собрания округ' Губернаторан' нибтя округ' исполнительной властяха" няхарамдэй ненэй статья' пунктхана нэда' актувна, хуркахава" акт" нянандо' тарцяра" нибтя жа", ха"авравандо' пир, нибтя хаева' е"эмня юн' падарм' нэдарангу.

(НАО' Ватовна № 83-ОВ' 3 пеляда 2010 похы ноябрь' 02 толыркана несэймдавы)

5. Суд' ватовна округ' Губернатор депутат" Собраниян' харта хутувндида сертавы' табекова' е"эмня, нибтя тикы табековам' ха"аврась нибтя тикы табековам' хаесь, нядась ватода тая.

(НАО' Ватовна № 83-ОВ' 2010 похы ноябрь' 02 толырка несэймдавы)

41 статья

(НАО' Ватовна № 480-ОВ' 2004 похы май' 10 толыркана несэймдавы)

1 Округна" Вато' проект" манзая' планм' няби округ' падарсавэй проект' Вато депутат" Собрания Губернаторан' нэдарангуда.

(НАО' Ватовна № 83-ОВ' 2010 похы ноябрь' 02 толыркана несэймдавы)

2. Проект' вато", валакада проект' вато 29 статьяхана ненэй Вато' Мэбцхана хэтбэй хавна, тикы юн" падар" Вато" ю" яля' нерцюна нэдарабэй" нибто' жа", депутат" Собрания Губернаторси" таславандо' пир.

(НАО, Ватовна № 83-ОВ, 2010 похы ноябрь, 02 толыркана несэймдавы)

3. Проект вато, падаро, сертаванзъ Губернатор, манзарана, хибярихит ма"лэя нибтя депутат" Собранияхад хибяри ма"лава пир.

(НАО, Ватовна № 83-ОВ, 2010 похы ноябрь, 02 толыркана несэймдавы)

42 статья

(НАО, Ватовна № 480-ОВ, 2004 похы май, 10 толыркана несэймдавы)

Депутат" няби округ, администрация, таслабда Ватохонандо, серодо, поңгнанди, нибтя серос", тьякахана Российской Федерация, Нарка падар" суд, Вато, Мэбцм, округ, Ватом, тасла, нядангуда.

43 статья

(НАО, Ватовна № 228-ОВ, 2000 похы март, 31 толыркана несэймдавы)

Ненэцие" автономной округ, Вато, Вато, Мэбц, округ, һани нормативной правовой акт", хуркари " государственной власть, органха"на таслабэй", тикы" актмана округ, яхана иленя" хибяри", государственной власть, орган", һани государственной орган" няби государственной учреждения, һэсы, нэвахана, манзарана" ма"лэя", серм, сертабада, ма"лэя", серм, минрена" хибяри" сававна минребто, тара. Федеральной няби Ненэцие" автономной округ, Вато", Вато, Мэбц, һани нормативной правовой акт" нибто, ватовна минре", серта ивьер" ни серос".

44 статья

Депутат" Собрания, ма"лэяха" хамбэй" хибяри, янга манзаравандо, лаханавандо, хэтувнда, проектато, сер, е"эмня исполнительной органха"на манзаранаха" серм, минре, ватодо, таня.

(НАО, Ватовна № 228-ОВ'2 пеляда 2000 похы март, 31 толыркана несэймдавы)

Округ, исполнительной орган, ма"лэяхана депутат, нибтя таслабэй" хибяридо, депутат, Собранияхад мэсь мянча".

(НАО, Ватовна 2000 похы март, 31 толыркана №228-ОВ, Вато, 2 пеляда несэймдавы).

Округ, депутат" Собранияхад, сер, е"эмня, тона" депутат", сиддо, округ, исполнительной органха"на, манзарана" ервна" һани серо, минрена" манзарани" нерня, инзелеванзъ, һэдарабто, тара.

45 статья

Округ' Губернатор депутат" Собранияхана' манзарани" ня' џобнзер" тасалкобто' тара:

(НАО' Ватовна № 83-ОВ' 2010 похы ноябрь' 02 толыркана несэймдавы)

а) депутат" Собрания нэна ма"лэяха"на, талда' ма"лэяха"на мэбта;

б) ниня' ёльцьугана нэда сессия' нэвам' нахакуд хонаркови хамадабта;

в) депутат" Собрания' ма"лэя' повесткан' хонаркова сертабта;

г) депутат" Собраниян' округ' правовой (Ненэцие харто' имдо' мэта округхы вату тасламбада) акт" проект" манэманзь табадабта.

8 пеляда. Округ' нэсы' нэвахана' манзарана

хари" нэда' серо' тасламбава.

46 статья

1.Округхана иленя" хибяри" харто' хуркари" серо' тасламбава, харто' яханандо' мэта" серодо', ямдо' мэ"мамдо', ня" амбавамдо', муниципальной е"эйнэ таслабэй".

2.Муниципальной образования ' Вато' Мэбцувна няби Ненэцие" харто' имдо' мэта" округ' Вато"мана нэсы' нэвахана' манзарани хари" нэда' серо тасламбава' орган", округна" хонарковахана, тэранзёвахана, ма"лэяха"на, тамна хуркари" тэранзёва' органха"на сертабада.

(НАО' Ватовна № 20-ОВ'2 пунктада 1996 похы март' 07 толыркана несэймдавы)

3.Ненэцие" автономной округхана федеральной няби Ненэцие" автономной округ' Ватовна, хар"на" невхи' илевава" тeneвана" хибяри" нэсы' нэвахана' манзарана' хари" нэда' серо' тасламбава' табековам' минребто'.

(НАО' Ватовна № 761-ОВ' 2006 похы октябрь' 02 толыркана несэймдавы)

4. Ненэцие" харто' имдо' мэта округхы иленя" нэсы' нэвахана' манзарани' хари" нэда' серо' тасламбава' харто' хибяри тэрабидо'.

5. Муниципальной образования' нямгэри" Ватом', тамна харто' бюджетамдо', муниципальной нямгэрито' е"эй нэсы' нэвахана' манзарани" хари" нэда' серо' тасламбава' экономической тарана" серто' тасламби".

Нэсы' нэва на" хари" нэда' сер' тасламбава' нормативной правовой актмана федеральной Ватом' минрехэя, харто' нямгэрихы"нато' тасалку"

Муниципальной образования' табековна нэсы' нэвахана' манзарани" хари" нэда' серо' тасламбава харто' федеральной Ватом ' нись мада", тамна нэсы' нэвахана' хари" нэда' серо' тасламбава нормативной правовой акт"мана" муниципальной нямгэрихи"нато тасалкода".

Муниципальной нямгэрито' е"эйнэ нэсы' нэвахана' манзарани" хари" нэда' серо' тасламбава' округ' депутат" Собрания няби администрация серодо' минревахана ниhi' табеку'.

(НАО' Ватовна № 761-ОВ' 5 пеляда 2006 похы октябрь' 02 толыркана несэймдавы)

47статья

НАО' Ватовна № 761-ОВ' 2006 похы октябрь' 02 толыркана несэймдавы)

1.Ненэцие" автономной округ' нэсы' нэвахана' манзарани" хари" нэда' серо' тасламбава' сер": маркана, нэсыхы"на, муниципальной районха"на, маркы округха"на тая".

2.Федеральной Ватовна, Ненэцие" автономной округ' Вато"мана муниципальной образования' я" таслабэй".

3. Нэсы' нэвахана' манзарани" хари" нэда' серо' тасламбавахана сянокри" хибяри" нэвандо' пир, хусувэй хибяри маркана, нэсыхына иленя, тарана Ватом' минребто'.

48 статья

Ненэцие" автономной округ' нэсы' нэвахана' манзарани" хари" нэда' серо' тасламбава' орган" тэранзёвавахана тэрабада".

Муниципальной образования' Вато' Мэбцувна няби Ненэцие" автономной округхы Ватовна нэсы' нэвахана' манзарани" хари" нэда' серо' тасламбава' органха" таславы' ватохо"на тэранзёда". Нэсы' нэвахана' манзарани" хари" нэда' серо' тасламбава' таслабэй" орган" товнда тэранзёвам' таслангудо'. Федеральной няби Ненэцие" автономной округ' Ватохона тэранзёва' ватом' таслангудо'. Федеральной няби Ненэцие" автономной округ' нэсы' нэвахана' манзарани" хари" нэда' серо' тасламбаван' наркта' орган" тэранзёва' е"эмня нибтя ватом' тасла, тякахана серо' манзай' сертавнда орган" сертаугуда".

(НАО' Ватовна № 228-ОВ' 2000 похы март' 31 толыркана надимдевы)

49 статья

(НАО' Ватовна № 761- ОВ' 2006 похы октябрь' 02 толыркана несэймдавы)

Илема' яханандо' нэсыхы'на харто' тэравы' хибярихитато' хари" нэда' серо' табекова' ма'лэяхана таслава пир, харто' индо' сер" таславы" илебцодо' мэць тидхалембангудо'.

50 статья

Ненэцие" автономной округхана федеральной няби округ' Ватовна, муниципальной правовой акт'хана нэсы' нэвахана' манзарани" хари" нэда' серо' тасламбава' табековаха"на манзаямд' сертаугудо'

(НАО' Ватовна № 761-ОВ' 2006 похы октябрь' 02 толыркана несэймдавы)

Российской Федерация' Нарка падаркана няби федеральной Ватохо"на таслабэй" нэсы' нэвахана' манзарани" хари" нэда' серо' тасламбава' табекова" Ненэцие "автономной округ' депутат" Собрания няби округ' администрация мадарць я"мыди'.

9 пеляда. Округ' экономикам', есям' тасламбава' сер"

51 Статья

(НАО' Ватовна № 761-ОВ' 2006 похы октябрь' 02 толыркана несэймдавы)

Округ' экономикам' округ' тарана" намгэрихит (я' илебцо', ты' хадырць я", ёлова' я", я' ила' ненадумдама", хэбядя' я", хуркари" хибярихина тарана" нэсы"), округ' бюджетхана нэда няби бюджетхад ниня перена' государственной фондхана' нэда есяхат, тамна округ' нани" намгэри" мал" тикан' тасламбэй".

(НАО' Ватовна № 16-ОВ' 2010 похы апрель' 19 толыркана несэймдавы)

52 статья

Ненэцие" автономной округхы Вату тасламбада' Ватовна мал" округхы е"эйтана" хибяри" намгэридо' лэтрёда".

Ненэцие" автономной округхы мэта' Ватохона намгэрита серм' нерня' минребта нибтя сусадабта, юб" нерня' тароңэ мэ"ма пир.

53 статья

Ненэцие" автономной округ' намгэрида' Российской Федерация' намгэриңэ толы".

Округ' нормативной правовой актха" на таслабэй" серка"на округхы хибяри һамгэрито' серо' минревамдо' тарця' серка"на округ' государственной власть' орган" нядангода".

(НАО' ватовна № 761-ОВ' 2006 похы октябрь' 02 толыркана несэймдавы)

НАО' ватовна № 498-ОВ' 2004 похы июнь' 28 толыркана ха"аврабэй

54 статья

НАО' Ватовна № 761-ОВ' 2006 похы октябрь' 02 толыркана ныхысялма

Ненэцие" автономной округ' һамхэри" нэсь пирһа": я' пеля, хой' паха, яна" һамгэри", ид", пэдра " тамна һани һамгэри", я' ниня, я' мюня сертабада һамгэри" объект", һани округхана" тарана" объект", предприятия" няби тохолкулава' харад", хибяри' савумдалаңгова", наука тамна культура' социальной тарана", һани округ' малёя" есяха"на тэмдабэй", нибтя огруг' еся" пеляха"на таслабэй" серк"на, һани государственной власть' органхат, управленияхат, нэсы' нэвахана 'манзарани" хари" нэда 'серо 'тасламбава' органхат мирета" падаро' нибтя һани еся" мэ"эмда.

Округ' һамгэридамда һани" яхат" нибтя Россия' тавна сертаванда, тэмдаванда пир.

55 статья

Ненэцие" автономной округхы Вату' тасламбавна няби федеральной Ватовна округ' администрация харта сертавы' һамгэрихи"ната тасалкода, лэтрамбнгууда.

(НАО' Ватовна № 761-ОВ' 2006 похы октябрь' 02 толыркана несэймдавы)

56 статья

Федеральной няби окружной Ватовна, Ненэцие" автономной округ' администрация округ' хари е"эйнэ толюда һамгэрида лакамбой мэ"манзь нибтя пондан" мэ"манзь һани яхат тобэй" инвесторха" харвабта' ми"манда нибтя нива ми"манда пир.

(НАО' Ватовна № 761-ОВ' 2006 похы октябрь' 02 толыркана несэймдавы)

57 статья

Округхана нэда я", я инд", я тебт", я ни' надиворта", ты" хадырць' я", халя' ёрць' мэта' я", хэбядя' я" округхы хибяри" илева' паугнэ' тарана".

Ненэцие" автономной округ' иленя" ненэця" няби толырто' тяню' Нэрм' яхана иленя" хибяри" харто' ямдо' ядандо' мэта" ядамдо' мипто' нибтя марпато' нэсындо' хонаркова' ма"лэяха"на нибтя нэсы' нэвахана' манзарани" хари" нэда' серо' тасламбада' орган" таславандо' пир.

Российской Федерация' ня Ненэцие" автономной округ' федеральной няби округ' Ватовна вы' яна" ям', я' мяюмда, я' ни надивортыда нобнзер" таслабиди'.

(НАО' Ватовна №761-ОВ' 2006 похы октябрь' 02 толыркана несэймдавы)

Федеральной няби Ненэцие" автономной округхы Ватовна вы' ява" государствона, муниципальной, хари' янэ, нани е"эйне ява" толабадаңэ серо"на.

Ям' лэтамбава Ватовна вы' ява" саць сахарамба тара, я' нийм', я' янмю нэда намгэри" мэбець лэтрамба таслабэй".

58 статья

Депутат" Собрания няби округ' администрация тамна нэсы' нэвахана' манзарани" хари" нэда' серо' тасламбава' орган" ня округ' е"эй намгэри" няби муниципальной намгэри" е"эй яндахаку тярпидо', тамна хусувэй ханзер" мэпто' ханзер" таропато'.

59 статья

НАО' Ватовна № 761-ОВ' 2006 похы октябрь' 02 толыркана ныхысялмы

60 статья

НАО' Ватовна 2006 № 761-ОВ' похы октябрь' 02 толыркана ныхысялмы

61 статья

Российской Федерация' Вато"мана Ненэцие" автономной округхана нэда' намгэри" Российской Федерация няби пыда' субъектата' е"эйне толы", пыдо' харто' тарана" серка"на тасалкода".

Федеральной Вато"мана няби международной лаханава' падарка"на нани" тэнз" я", нани яндер" юридической няби физической хибя. Ненэцие" автономной округхана нэда намгэри" е"эйне пады", пыдо' харто' тарця серка"на тасалкода".

(НАО' Ватовна № 761-ОВ' 2006 похы октябрь' 02 толыркана несэймдавы)

Ненэцие" автономной округ' государственной власть' орган" җани" яндер" инвестиция' няюна" товандо' е"эмня, тикы инвестиция лэтмбава' е"эмня, социальной няби производственной объект", я' ниня җэда намгэри" е"эмня саваркавна Ватом' тасламбато".

62 статья

Ненэцие" автономной округ' мэта' Ватовна манзарава' серм' минрена" субъект" хуркари серодо' минревандо' пир. Валакада Ватохона ниня сероти манзаи минребто' ни тара.

НАО' Ватовна № 761-ОВ' 2006 похы октябрь' 02 толыркана
ныхысылмы

НАО' Ватовна № 498-ОВ' 2004 похы июнь' 02 толыркана ха"авравы

63 статья

(НАО' Ватовна №761-ОВ'2006 похы октябрь' 02 толыркана
ныхысылмы)

1. Ненэцие автономной округ' харта бюджетада таня.
2. Ненэцие" автономной округ' няби федеральной Вато' табековна округ' государственной власть' орган" бюджетхананда харта тасалкода.

64 статья

(НАО' Ватовна № 498-ОВ' 2004 похы июнь' 28 толыркана
несэймдавы)

1. Ненэцие" автономной округ' Ватовна округ' бюджет' серм', еся" турмам' налоговой няби ниня есям' ма"ламбавам', тамна пуня' ниня мэвнда' еся" турмахат панҗга.

(НАО' Ватовна № 761-ОВ' нертей пеляда 2005 похы октябрь' 02 толыркана несэймдавы)

2.НАО' Ватовна № 761-ОВ' 2006 похы октябрь' 02 толыркана
ныхысылмы

- 3.Ненэцие" автономной округ' бюджет саварка җэва е"эмня тандает' есям' мэбва' мян.

4. Ненэцие" автономной округ' бюджетан' турта" еся", мэпэй" есяхат хаюртыда җокарка җэбто', җокаркавна есям' ма"лабнандо', тикы еся" пуня' мэвнда ни на".

65 статья

1. Ненэцие" автономной округ' есяда' мэ"ма' бюджетанда федеральной бюджетхад ня"амбэй дотацияхат, субсидияхат, субвенцияхат, тамна округ' харта ма"лабэй" есяхатата таслабэй".

(НАО' Ватовна № 173-ОВ' 2006 похы апрель' 19 толыркана несэймдавы, НАО' Ватовна № 761-ОВ' 2006 октябрь' 02 толыркана несэймдавы)

2. Российской Федерация' Бюджетной кодексхана таслабэй", Ненэцие" автономной округ' государственной власть' орган'' харто' округ' бюджетм' тасламбида.

(НАО' Ватовна № 498-ОВ', 2 пунктада 2004 похы июнь' 28 толыркана несэймдавы)

3. Федеральной няби округхы Ватовна Ненэцие" автономной округ' государственной власть' орган' нэсы" бюджетха" нядангода.

(НАО' Ватовна № 761-ОВ' 2006 похы октябрь' 02 толыркана несэймдавы)

65 статья (1)

(НАО' Ватовна № 42-ОВ' 2011 похы июль' 01 толыркана таслабэй)

1. Ненэцие" автономной округ' Счётной палата' депутат" Собранияхана пилибт" таслабэй", тяхы государственной финансовой контроль' тяхы органүэ пили" толы, харта есяха"на тасалкода.

2. Округ' Ватовна Ненэцие" автономной округ' Счётной палата' манзаяда, сян хибяри манзаравам', серто' минревам' харта тасламбида.

66 статья

НАО' Ватовна № 761-ОВ' 2006 похы октябрь' 02 толыркана
Ныхысылмы

67 статья

НАО' Ватовна 2004 похы июнь' 28 толыркана № 498-ОВ' ха"аврабэй

10 пеляда. Округ' судебной власть

68 статья

(НАО' Ватовна № 16-ОВ' 2010 похы апрель' 19 толыркана несэймдавы)

1. Округханана судебной власть' манзаям' пэртя''- федеральной' суд'', яханана манзаравадо' Российской Федерацияна Ырка Вато' падар''мана няби Федеральной Вато' Мэбцувна таславы, тамна округна'' мировой судья''.

2. Мировой судья'' њамгэм' пэрма, ханзер' манзарава федеральной няби округ' Ватовна таславы.

Судебной участок'', мировой'' судья'' манзай'' њадимдембава'', манзаям' сусадамбава'' округ' Вато' сер'.

3. Федеральной Ырка Вато'' падар''мана Вато' мэбц''мана округханана Ненэцие''автономной округ' Уставной суд сертава'' мян''.

Ненэцие''автономной округ' Уставной суд' њадимдембава , манзарава округна'' Ватовна тасламбада.

11 пеляда. Округ' прокуратура', нотариат', адвокатура', нись' тоса'' илевам' лэтрамбава''.

69 статья

1. Округ' прокуратура минрева сер'', манзарава «Российской Федерация прокуратура' нямна» падвы Федеральной Ватовна' тасламбида.

(НАО' Ватовна №267- ОВ' 1 п. 2000 похы декабрь' 07 толыркана нэсеймдавы)

2. Ненэцие'' автономной округхана манзараванда прокурорм' Российской Федерация Генеральной прокурор', округ' государственной власть' манзарана'' ня' њобнзер' тасалахая' манзаравась масьтембида'.

3. НАО' Ватовна №267- ОВ' 2000 похы декабрь' 07 толыркана' ха''авравы.

70 статья

1. Округханана хибяри'' нись' тоса'' илевам' лэтрамбава няби хибяри'' нись' пин'' илевам' лэтбава''.

2. Тарця орган'' манзарава' федеральной законодательство тасламбава сер'.

(НАО' ватовна № 267-ОВ' п.2 2000 похы декабрь' 07 толыркана несэймдавы)

3. НАО' Ватовна № 761 –ОВ' 2006 похы октябрь' 02 толыркана Ныхысялма

71 статья

(НАО' Ватовна № 16-ОВ' 2010 похы апрель' 19 толыркана несэймдавы)

Суд' серт' еримы'' хибяри'' няби организации'' нядабава'', лэтрамбава'' Федеральной законодательство сер''.

72 статья

1. Хусувэй хибяри, хуркари организация нотариальной контора, нотариус ты сертавы падродо' Российской Федерация Вато' таслир''мана сертабада. Тарця манзяям' нэсынато' манзарана'' исполнительной власть' серо' тасламбада сертабась нани пирьядо'.

2. Округ' нотариат'' манзарава'' федеральной Ватомна'' няби округхы' нормативно-правовой'' акт''мана тасламбада.

73 статья

1. Депутат'' Собрание' няби округ' Администрация намгахэва'' вэвко сер'' нади''махана, нани'' ниня тарем' надимберта'' серка''на нобнзер манзара. Вэвко сер'' нива надимданва е''эмня, Вато' сер'' ныхымданва е''эмня янга программы'' хамандаба пир''на''.

2. Депутат'' Собрание' няби округ' администрация Вато' таслир''мана правоохранительной орган'' манзарани'' хуркари'' серкана нядабидо'.

Округ' государственной власть' манзяям'пэртя'' правоохранительной орган'' манзяяна' табекобто' ни'' тара''.

12 пеляда. Вато' мэбц ня''амабава няби несэйюмдава

74 статья

Округ' Вато' Мэбц Депутат'' ма''лёвахана ня''амбада. Ня''амвнэ' толюда ся''ня депутат'' жокаюв' пелядо тэранзёвахана нудидо' и''илугу''.

Депутат'' ма''лэйхана ня''амбэй округ' Вато' Мэбц'уыл хибяхарт пидте''мямда масьтебта ни''тара''.

Округ' Вато' Мэбц падарт' пад''махад илебцан' нэдарара''махад ненэй ныхыда һадиберһа. Округ' газетаха''на һадив''махаданда ныхыта.

(НАО' Ватовна № 761 - ОВ' 2006 похы октябрь' 02 толыркана несэймдавы)

75 статья

Округ' Вато' Мэбцм' несэймдавам', нядабавам' депутат'' ма''лэйкана ня''амбада''. Тикы сер'' е''эмня тобэй'' депутат'' толыркад' няхарамд''мадо' нудидо' и''илбато' тамна округ' губернатор' табэковна, местной самоуправление няхарамд''мавна тасламбада''.

(НАО' Ватовна № 83- ОВ' 2010 похы ноябрь' 02 толыркана несэймдавы)

Вато' Мэбц несэймдаваһэ' толюда ся''ня һокаюв' пеля депутат'' тикы е''эмня нудидо' и''илһу''.
